



सानसेयारि बड'सा

सानसेयारि 'बड'सा' खरीरालाइयाव समाजयारि जिउजो लोखा थावाय रायथाय, बरन्थाय, बरल, बरलबाथा आरो दावबायारि थावनि, पार्क बाइदिनि स्यायव लिन्नाय लिन्बिबां हैथाय ठर। सानसेयारि 'बड'सा' खरीरालाइया सेबरानाबै फोखावगेन।
बड'सायव लिन्हन्नायनि हुबा खालाम, 'बड'सा' खरी नोथो, जो बयबो आंगो खालाम।

सानसेयारि बड'सा मावखुलि
माइवं नोगोर, जोहोलाव देमालु लामा
कक्राझार, बिटिसि-783370
Website: www.bodosanewspaper.com

BODOSA ★ A Bodo News Daily ★ Tuesday ★ 17 September, 2024 Kokrajhar, BTC, Assam ★ Vol.- 34, Issue No.173 R.N.I.Regd.No.40994/91, Assam Govt. Regd.No.IPRD.40/2006/3, ★ Rs.8/-

कक्राझारआव मन्थि रनज पेगुआ फरायसालि-फरायसालिमाफोरनि गोरयुं-गाहाइ फोरेंगिरिफोरजों सावरायलायदों

बिहालीआव मन्थि पियुष हाज 'रिकाआ फरायसाफोरजों सावरायलायदों

से खावसे दाननि गेजेराव बिटिआरआव सा 1467 गोजौ
फरायसालिनि फोरेंगिरिफोरनो थिसन्थाय होनाय जागोन: रनज पेगु

कक्राझार, 16 सेप्टेम्बर: राइज्योनि सोल्लोथाइ, ट्राइबेल एफेयर्स बिफाननि मन्थि रनज पेगुआ दिने सानसेनि हाबाफारिजों कक्राझार दावबायपैनाने कक्राझार आरो चिरां जिल्लानि गोजौसिन गेजेरारि फरायसालिनि गोरयुं आरो गोजौ फरायसालिनि गाहाइ फोरेंगिरिफोरजों बिटिसि (□ 5 बिलाइआव)



बिहाली, 16 सेप्टेम्बर: आसाम दै फुंखा बिफाननि मन्थि पियुष हाज 'रिकाआ दिने बिहालीनि पन्दिन दिनदयाल उपाध्याय आदर्श फरायसालिमायाव फरायसाफोरजों मोनसे सावरायनाय हाबाफारियाव बाहागो लायो। एमपि रन्जित दत्त आरो एमएलए दिगन्त कलिताजों बे हाबाफारियाव बाहागो लानाने मन्थि पियुष हाज 'रिकाआ फरायसाफोरखौ थांखिनाने बिबुंथि होयो। गावनि बिबुंथियाव मन्थि हाज 'रिकाआ फोरमायोदि, हादतआ गोखे जौगानायाव हादत महरै



सिनायथिजानोब्ला जौनि फरायसाफोर बिज्ञान सोल्लोथाइ आरो रंग'थि फोजौखानायनि बिथिडव गोनांथि होनांगोन। फरायसाफोरखौ दानिफ्रायनो समाजारि बिबानखौ गोनांथि होनाने दावगालांनो गिबि मन्थिआ खावलाय हर्दों। गुबुन फार्सेंथि, समाजआ गोलेँयै दावगालांनो थाखाय आइजो सोल्लोथाइखौ गोनांथि होनायावो (□ 5 बिलाइआव)

गसाइगावआव लामानि जाब्रबथायाव सासे सुबुंनि जिउ खहा, गथ 'साजों साथाम सुबुंफोरा जोखोम जादों

गसाइगाव, 16 सेप्टेम्बर: गसाइगाव महकु मारि आमलाइगुरि गामिनि राजा लामायाव थांनाय हराव रनै बाइक जों मोगा-मोगि जाब्रबथाय सोमजिनायाव सासे सुबुड जिउ गोमानायजों लोगोसे गथ 'सा, आइजो जों लोगोसे साथाम सुबुंफोरा जोखोम जादों होना मिबथि मोन्नाय जादों। मिबथि मोन्नाय बदिथै थांनाय हरनि 9:30 रिंगासोआव सिन्दिझरा गामिनि थागिरि दिस्मल गयारी (50), बिनि बिासि आरो फिसाज्जलजों



गसाइगावनिफ्राय डब्लिउबि 64/6391 नम्बरनि बाइक जों गावसिनि न' फारसे थांबाय थानाय समाव सिगांनिफ्राय (□ 5 बिलाइआव)

सा-सानजा दावबायफैनाय बनारस नोगोर निगमनि काउनसिलरफोरखौ राज भवनआव बरायदों

भारतनि हारिमुखौ फोथांफिन्नायाव हेफाजाब हो: राइज्यो बेंगिरि

गुवाहाटी, 16 सेप्टेम्बर: 'भारतनि हारिमुआ बुहुमाव फिन खेबसेबाव रिखांगसिनो दं। जौनि हारिमुनि जांखिखांनायाव जेब्लाबो गासैबो हादतनि सुबुंफोरनिफ्राय हेफाजाब मिजिथिनाय जायो।' मैया राज भवनआव काशीनिफ्राय बनारस नोगोर निगमनि काउनसिलरफोरनि थाखाय खुंनाय मोनसे मान बाउनाय हाबाफारियाव आसामनि रइज्यो बेंगिरि लक्ष्मण प्रसाद आचार्यआ बे बाथ्राखौ बुडे। रायखानो गोनांदि, बनारस नोगोर निगमनि



बारग' मासिगिरि नरसिंह दासनि दैदनायाव काउनसिलरफोरनि सा 71 सोदोमानि मोनसे हान्जाया सा-सानजायाव दावबायफैदों। बे थांखिजों

हान्जाया 14 सेप्टेम्बरनि मोनायाव आसामनि राज भवन सौहैयो। दावबायग्रा हान्जाखौ बरायनो थाखाय मैया (□ 5 बिलाइआव)

दिने हादतयारिआ श्री श्री बिश्वकर्मा पुजा फालिगोन

कलाइगाव, 16 सेप्टेम्बर: हादतजों लोगोसेनो राइज्योनि थागिरिफोरा गाबोन श्री श्री बिश्वकर्मा पुजा फालिगोन। मख 'नो गोनांदि, बे पुजाखौ लोखा लानाने गुबुन गुबुन उद्यग फसंथान, खारखाना, बास-ट्रक बिगोमा आफाद, ज्वेलारि, खौरां बिलाइफोरनि मावखुलि, गुबुन गुबुन मटर-गारिफोरनि गेरैजफोरजों लोगोसे नख 'यारि खामानियाव बाहायजानाय



गारि-मटरफोरजों लोगोसे माखासे मुवा-बेसादफोरनि पुजा (□ 5 बिलाइआव)

मुंख्लं अभिराम बर' जोलुर बादायलायनाया जोबलांबाय

24 एपिबिएन, सरायमारि जोलुर हानजाया सेम्पियन बिमुं देरहासारदों



तामुलपुर, 16 सेप्टेम्बर: तामुलपुर जिल्लानि सिडव थानाय कुमारिकाता जौसिन गेजेरारि फरायसालिनि गेलेग्रा फोथाराव कुमारिकाता दखरा

एवसुनि बाज्यानायाव खुंजानाय मुंख्लं अभिराम बर' गोसोखां 6 थि बोसोरारि जोलुर बादायलायनायनि दिने जोबथा गेलेनायाव 24 एपिबिएन,

सरायमारि एफसिआ तामुलपुर एफसिखौ 2-1 गलनि फारगथियाव फेजेनाने देरहासार ट्रफिखौ आवग्रिनो हायो। दिनेनि बे जोबथा बादायलायनायखौ

बेखेवनाने होयो बिटिसिनि बुंथिगिरि कातिराम बर'आ। इन्ड' भुयान-इण्डिया फ्रेन्ड्सिप आफादिनि लोगो आफादिगिरि गुब सनम दुकपाआ बे बादायलायनायाव बाहागो लानाने हाबाफारिखौ मेहेर गोनांसिन खालामो। सरायमारि हान्जानि बिप्लव तालुकदारा बादायलायनायनि साबसिन गल किपार आरो आगोमा बर'आ साबसिन गेलेगिरि बान्थाखौ 24 एपिबिएन सरायमारि एफसिनि (□ 5 बिलाइआव)

धुबुरीयाव सिखावफोरनि हान्जाया माखासे रां लुथिदों

धुबुरी, 16 सेप्टेम्बर: धुबुरीयाव सेखनाने लांग्रा एवा साबख 'नाने लांग्रा सिखावनि उतखार खालामनाया सरसनसा राइजो-राजाफोरखौ संखिखां होदों। बे आयदायाव दिने समबारखालि धुबुरीयाव 2 (□ 5 बिलाइआव)



लामडिंआव पुलिसआ झगसजों लोगोसे सासे फालांगिरिखौ हमदों

लामडिं, 16 सेप्टेम्बर: लामडिंआव झगसनि आयेन बेरेखा फालांगिया सानफा-एफा बांनो हमदों। लामडिंनि ख 'ना-खनला झगसनि फालांगिया बुंफननो हमदों। जाउनाव माखासे लाइमोन जोलेनि इयुना जोबसंनानायनि लामायाव फेदों। (□ 5 बिलाइआव)



मराझारआव पिस्टलजों लोगोसे सासे सुबुंखौ हमदों

मराझार, 16 सेप्टेम्बर: हजाइ जिल्लानि मराझार थाना



ओन्सोलनि दिघलजार हाथायाव रबिबारखालि हराव पिस्टलजों लोगोसे पुलिसआ सासे सुबुंखौ हमदों। मराझार थानानि नायसंगिरि निरखिल चन्द्र रायनि दैदेनायाव पुलिसनि हान्जाया खोद सुलुनि बिथायाव मराझारनि दिघलजारआव सिग्रोमनाय हाबाफारि लानाने कबिर आहमेद (33) मुनि सासे सेंग्राखौ हमो। बेनि अनगायैबो बिनिफ्राय लोगोसे 9 एमएम पिस्टल, गर 3 गोथां गुलिजों लोगोसे गंसे मेगजिनखौ बोखादों। □



सालबारि, 16 सेप्टेम्बर: बाक्सा जिल्ला सालबारि महकुमानि सिडव थानाय गातिनि हारिमुआरि भवनआव मैया रबिबारखालि गेदेत सोनाव बाक्सा ओन्सोलनि 100 निखुइबो बांसिन

बारग' आल्फानि सोद्रोमा-मावफारियाफोरनि नुजाथिफैनायाव मोनसे मेल खुंनाय जादों। मेलनि थांखिलाइ बादिथै बारग' आल्फा ऐक्य' मन्स सालबारि महकुमा (□ 5 बिलाइआव)

OUR BELOVED 'ANSHUMAN'
TODAY IS YOUR 24TH BIRTHDAY!!

THOUGH YOU ARE GONE AND NO LONGER BY OUR SIDE, YOU ARE FOREVER IN OUR HEARTS. YOU ARE NOT JUST A MEMORY BUT A LIVING PRESENCE IN OUR SOULS. YOU LEFT FOOTPRINTS OF LOVE AND KINDNESS EVERYWHERE AND YOUR SPIRIT OF ADVENTURE LIVES ON IN EACH OF US. YOU WERE THE GLUE OF OUR FAMILY, AND YOUR LOVE CONTINUES TO BIND US TOGETHER.

WISH YOU A BLISSFUL BIRTHDAY IN HEAVEN...

YOURS

PRABODH KR. BRAHMA (FATHER)
LAKSHMI PROBHA BRAHMA (MOTHER)
DETCUNG KR. BRAHMA (ELDER BROTHER)
BIHUNG KR. BRAHMA (ELDER BROTHER)
ANKITA BRAHMA (YOUNGER SISTER)
DANSWRANG BRAHMA (NEPHEW)
AND
ALL OTHER FAMILY MEMBERS

सुजुगिरिनि खोलोम

जिउखानायनि राहा-लामा

सुबुनो थानानै थानो, जिउ खुनायनि राहा महरे मोनसे नडा मोनसे आजिनयनि लामा नांगो जायो। बेखायनो सुबुंफोर गावसोरनि लुबैनाय बादिये खामानि मोनो थाडब्ला गावनि जेनोम जायगाखौ नागरानै गुबुन गोजान राइज्योफोरव थानानै खामानि नागिर हेनाय आरो मावहेनाय जौनि गेजेराव गोबाडैनो नुनो मोन्याय जायो आरो बे राहाया सोलिगासिनो। जौनि ओन्सोलाव गिरि-फिसा उडगफोर गैथेनि जाहोनो खामानि आंखाल जानाय जाहोनफोरनि गेजेराव मोनसे। बेफोर जाहोननि थाखायनो सुबुंफोर गोजानाय खामानि मावहेनानै नख रनि बायग्रबलांनय रांखाथियारि हालोदखौ मोजाडव लाबोनो खामानि मावहैयो। जिउखानायनि राहा नागरानैनो सुबुंफोरा ओन्सोलनि अनगायैबो गुबुन राइज्योआव थानानै खामानि मावहेनो गोनां जायो। गुबुन राइज्यो आरो जायगाफोराव थानानै खामानि मावहेनायवा खायफाखौ जाफुंनय नुनो मोनोब्लाबो खायफाया बेनि उल्था जानायखौबो जौं सम सम नुनो मोन्याय जायो। जिउआव जाफुंनय-जाफुंनै बाध्रा आरो गुबुन जायगायाव थानानै खामानि मावहेनायखौ लानानै लानानै जौनि गेजेराव मोनसे बाध्रानि बोसोन हेनाय महरे सावरयनाय जायो-बेनो जादो 'जिरयनो रोडेब्ला हायानो खामफलाइ'। बेनि गुबै बोसोनआ जादो- मावनानै जानो गोरोब्ला, जायगायावबो खामानिनि आंखाल जाया। मावनो रोडे आरो खामानिखौ नायनानै लाजिनय, बानायनि थाखायनो खायफा सुबुंफोरनि थाखाय खामानि गैथेनि बाध्रा आंखारो। जायगायाव खामानि गैया होनानै बुडेब्लाबो गुबुननिफ्राय बांगाल-जुंगाल खामला फेनानैसो जौनि ओन्सोलाव फेनानै बाइदिसिना खामानि मावनानै सानफ्रोमबो रोजा रोजा रां बुधुमनानै लानानै थानाय नुनो मोन्याय जायो। खामानिनि थाखोखौ नायनानै मावनो नागरानाय, लाजिनयनिखुइ आखाइ हेबनानै, खानानै, थागयनानै आरो मालाइनि सायाव सोनारनानै जानायसो बयनिखुइबो लाजिनयथावनासिन बाध्रा। बेफोरखौ सानो हायोब्लासो जौनि गेजेराव खामानि आंखाल, लाजिनयफोर थाहेनाय नडा आरो जिउ खानायनि राहाखौबो समजो गोरोबहनानै इयुनाव सोलायनाय लाबोनो हागोन। नोजोर होनो गोनांदि- जाय हाबा एबा खामानिफोरखौ जोडे मावनो, दानो लाजियो, नेहाद खामानि होनानै सानो बेफोर खामानिखौनो गुबुन जायगायनिफ्राय फेनानै जौनि मेगनि नोजोरवबो गोबां रां आजिनानै लानानै थानायखौ नुनो मोन्याय जायो। जौनि सुबुंफोर मावनो बानाय, नेहाद खामानि होनानै सान्याय माखासे खामानिखौ मावनानैनो गुबुन जायगायनिफ्राय फेनाय सुबुंफोरा बोसोरनाडे गावनि जानायखौ फोलोमनायजो लोगोसे नख रनि थाखायबो रनि थफला जुनानै लानायखौ जौं नुनो मोनो। जौं मावनो लाजिनय खामानिफोर मुलाम्फा गैयामोनब्ला बिसोर गुबुन गोजान जायगायनिफ्राय फेनाय सुबुंफोरा बेफोर खामानिखौ मावफेनाय नडामोन। फिसा खामानिब्लाबो मुलाम्फा गोनां जानायलाय बेफोर खामानिखौनो बिसोरो जिरयथावना नै मावफेयो। खामानि बिजिनरानै, सायख नानै मावनो सानानै नायनायनि सम नडा, आधिखालनि समआ नांथावनाय आरो बादायलु गोसोजो सिमालानायनिसो सम। आधिखालनि समाव जौनि गेजेरावबो बाइदिसिना खामानि मावनो हानाय रंग थि गोनां सुबुंफोर गोबां दसे। गावबा गावनि थांखि आरो मावनो हानाय खामानि सायख नानैबो जिउ खानानै थानानै थानायनि लामाखौ लानो हायो। सुबुंफोरनि जिउखां राहा-लामायाव सोलायनाय लाबोनो आरो थानानै थानायनि लामायाव मदत फेनाय बादिये सोलिफु ओन्सोलारि खुंथाया बाइदिसिना सुबुं अन्सायारि बिथांखि लानायखौ नुनो मोन्याय जादो। बेफोर बिथांखिफोरनि खाबुखौ जौनि सुबुंफोर आजवानानै मावयोब्ला जिउखां राहायाव सोलायनाय लाबोनो हागोन। अब्लासो गुबुन गुबुन खामानिजो लोगोसेनो खुंथायनि बिथांखि गथायनायफोर सुबुंफोरनि जिउखां राहा-लामा दिहुनायाव मदत फेगोन।

दिनैनि फान्जामुथि

राशि बाइदिये मुनि गिबि हांखो

मेघ : अ ल वृष : ऊ ब (उ ए इ) मिथुन : क छ (ड घ) कर्कट : ड ह सिंह : म ट कन्या : प ठ (ण ष) तुला : त र बृश्चिक : ब न धनु : ध भ (ढ फ) मकर : ख ज कुम्भ : ग श (स) मीन : द च (ख ज झ)

- मेघ:** जेखि खामानिखौनो मावा मानो मुलाम्फा आरजिनानै लानो हागोन। मोजां सान।
- वृष:** मानिबा जाहोननि थाखाय गोसोखौ अशांति मोनवाय थानो हागौ। गोसोखौ लोरबां लानो नाड।
- मिथुन:** मोजां रंगथि जानो हानायनि मान मोननो हागोन। गोजोन मोनगोन।
- कर्कट:** मानिबा थाखाय गोबां रां खरसा खालामानानो हागौ। गोसोखौ हमथानांगोन।
- सिंह:** गुबुननि सायाव सोनारनानै खामानिखौ मावनो नाड। सान्याया जाफुंनय नडा।
- कन्या:** जेखियानो मावा फालांगियाव मुलाम्फा मोनो हागोन। फालांगिरिनि थाखाय मोजां सान।
- तुला:** बिसि-फिसाय अनलायनाय बांगोन। नख र संसार गोजोन जागोन। मोजां सम।
- बृश्चिक:** रंगथिआव दावगालानो हागोन। बयजोबो मान होजानो मोनगोन। मोजां सान।
- धनु:** साफ्रोमबो नख रनि सुबुंजो अनन्त्यायनानै थानो हागोन।
- मकर:** सोरजोबाफोर दावराव-दावसि जानो हागौ। सोमोन्दो थानाया गावसालायनो हागौ।
- कुम्भ:** साखिनि लामा हान्थिनायाव हेँथा मोनो हागौ। जैरैबो सांग्रां जानांगोन।
- मीन:** सोरजोबाफोर सोमोन्दो लानो गोनां दडब्ला लानो हागोन। सान्याया जाफुंनारगोन।

बिस्वकर्मा फुजा: सोरजिगिरि इशोरखौ मान होनाय

जाहिद आहमेद तापादर राव सोलायगिरि- सुजु आफाद, बड'सा

भारतआ बायदि रोखोमनि हारिमुफोर, धोरामफोर आरो दोरोडरिफोरनि हा, मोनसे हादर जाय बेनि बायदि रोखोमनि खौसेथिखौ फालियो। बेबादिनो मोनसे फालिथाया बिस्वकर्मा फुजा, जाय बुहुमनि इशोरारि दागिरि आरो इन्जिनियर भगवान बिस्वकर्माखौ मान होनायनि मोनसे फोबो। गुबैयै आरिमुगिरिफोर, शिल्पकारफोर आरो दारिमिनारि खामानि मावग्राफोरजो फालिजानाय बे फोरबोआ गासै भारतनि सुबुंफोरनि जिउआव गोथौ गोहोम खोखैयो, जर 'खायै आसाम, सोनाब बंगल, उरिप्या, बिहार, झारखान्ड आरो उत्तर प्रदेशनि मोनसे बाहागोआव बायदि सान्जा ओन्सोलफोराव फालिनाय जायो। बिस्वकर्मा फुजाया धोरामारि सिमाखौ जौसिन खालामो आरो गुबुन गुबुन धोरामनि सुबुंफोरखौ खौसे खालामो। बेयो भारतआव सोलिबाय थानाय खौसेथिनि थुलुगानि नेरसोन। बे फुजाया भारतनि धोनि हारिमुआरि उनमोन्थाइखौ रैखा खालामो आरो जौगाहोयो। बेयो सुबुंफोरखौ गावसोरनि धोरामारि फोथायथिखौ नायालासे गासैबो आरिमुगिरिफोर आरो दारिमिनारिफोरनि बिहोमाखौ गनायथि

होनानै शिल्पनि थाखाय गावसोरनि रानलायनाय बाखानायनाय खौसे खालामो। बिस्वकर्मा फुजानि सानाव आरिमुगिरिफोर, मावथिफारियाफोर आरो शिल्प गिरिफोरा गावसोरनि आइजै-आइलाफोर आरो मेसिनफोरखौ फुजा सालियाव लाबोयो। बेफोर आइजै-आइलाफोर, जन्धफोर आरो गारिफोरखौ साफा खालामनाय जायो, बिबारफोरजो साजायनाय जायो आरो आरज' गावनाय जायो। आरिमुगिरिफोर, दारिमिनारिफोर आरो दारिमिनारि खामानि मावग्राफोरनि थाखाय बिस्वकर्मा फुजाया गावसोरनि आइजै-आइलाफोर, जन्धफोर आरो बिसोरनि रंग थिनि थाखाय बोर बिनायनि सम। बेबादि फोथायनाय जायोदि इसोरनि बोरफोरा बिसोरनि खामानिखौ मोजाडै मावफुंनो होयो आरो जाब्रवथायफोरखौ होबथायो। बे फोरबोआ रांखाथियाव मख 'जाथाव गोहोम खोखैयो, मानोना बेयो दारिमिन आरो इन्जिनियरिजो सोमोन्दो थानाय दारिमिनफोर आरो फालांगिफोरनि जौगानायखौ थुलुगा होयो। बेयो सुबुंफोरनो खौसे जानो, फालिनो आरो गावसोरनि सोमोन्दोखौ गोखो खालामनो मोनसे खबु होयो। बेयो आरिमुगिरिफोर, दारिमिनारिफोर आरो खामानि मावग्राफोरनि गेजेराव लोगोआरि आरो सोमोन्दोनि मोनसे मोन्दाथि

सोमजिहोयो। बिस्वकर्माखौ बयनिखुइबो गोजामसिन हिन्दु धोराम बिजाबफोरनि गेजेराव मोनसे, ऋवेदआव मुख 'नाय जादो। बिथांखौ सासे दागिरि इशोर महरे बरनायनाय जायो, जाय सोरगोयारि थाग्रा खुलिखौ लुदोमोन। गोदो गोदायनि हिन्दु बिजाबफोरनि गुबुन मोनसे जथाय पुराणफोरा बिथानि जिउ आरो मावनायफोरनि बांसिन गुवारै फोरमायथि होयो। आधिखालनि मुलुगाव बिस्वकर्मा फुजाया जोबोद गोनांथि दड। बेयो सुबुंफोरनि थाखाय गावसोर मोन्याय बोरनि थाखाय साबायखर बावनाय आरो गावसोरनि नाजानायाव जाफुंसारबाय थानायनि थाखाय आरज' गावनायनि सम। बे फोबोआ समाजाव दारिमिनारि रंग थि आरो रंग थिनि गोनांथिखौ गोसोखांहोरा महरेबो खामानि मावयो। बिस्वकर्मा फुजाया मोनसे गोजोर दोरोडरि, जाय सुबुंफोरखौ ज' खालामो आरो हादरनि दानाय-लुनायखौ गोखो खालामो। बेयो सुबुंफोरनि थाखाय ज' जानाय, गावसोरनि दोरोफोरखौ मान होनाय आरो गावसोरनि खामानिनि थाखाय बोर बिनायनि सम। जेरै भारतआ जौगागासिनो द, बिस्वकर्मा फुजाया मोनसे जोबनो गैथे दोरोडरि जानानै द, जाय सुबुंफोरखौ ज' खालामो आरो हादरनि दानाय-लुनायखौ गोखो खालामो। (लिरिगिरिआ फोरमायथाय आरो सुबुं फोनांजाव, बिटिसिनि सि एइस डि)

जम्मु-काश्मीरनि एलजि मनज सिन्हाआ कामाख्या मन्दिर दावबायदो

गुवाहाटी, 16 सेप्टेम्बर : जम्मु-काश्मीरनि लेडाइ राइज्यो बेंगिरि मनज सिन्हाआ मैया रबिबार (15 सेप्टेम्बर) खालि आसामनि गुवाहाटीआव सानसेनि थाखाय दावबायफेदो। ले डाइ राइज्यो बेंगिरिया सानजौफु आव लकप्रिय गपिनाथ बरदले हारिमायारि उरं जाहाज गाथोन (एलजिबिआइए) आव बागलाय फेनानै थोंजोडै रवना होनानै गुवाहाटीनि कामाख्या मन्दिराव फेयो। बिथानि आगान होफेनायाव मन्दिर सामलायग्रा कमिटिया बिथानो गामसा आरो मोनसे गोसोखांथि नेसॉन होनानै बरायो। बेनि उनाव



लेडाइ राइज्यो बेंगिरि सिन्हाआ मन्दिराव पुजा खालामना देबोनि आशिबांद लायो। बेनि थाखाय मन्दिर अथ 'रिटिनि फारसे गोजोन्नाय फोरमायनानै बिथाडा बुडोदि, जेब्लानो बिथाडा कामाख्या मन्दिराव फे यो अब्लानो बिथाडा गोजोन्नाय मोनो। मख 'नो

बावैसो साननि उनाव पिएम किसाननि 18 थि किस्तिआ हाबसिगोन

गोदान दिल्ली, 16 सेप्टेम्बर: भारत सरकारआ आबादाबिफोरनो रांखाथियारि मुलाम्फा होनो थाखाय पिएम किसान सम्मान निधि बिथांखिखौ जागयदोमोन। बे बिथांखियाव आबादारिफोरा बोसोराव 6,000 रनि रांखाथि मोनो। बे रांखाथिया आबादारिफोरनि एकाउन्टआव थोंजोडै हाबो। बे रांखाथिया आबादारिफोरनि एकाउन्टआव किस्ति बायदिये हाबो। 1 बोसोराव आबादारिफोरनि एकाउन्टआव मोन 3 किस्तियाव हाबो। बेनि आंथिया बेनोदि, 4 दाननि उनाव आबादारिफोरनि एकाउन्टआव किस्तिआ हाबो। पिएम किसान यजनानि नेम बायदिये बे बिथांखिनि मुलाम्फाखौ न'खरनि सासेल' सोद्रोमाया मोनो। बेबायदियाव सांथि सोमजिजोदि, न'खराव बिसि -फिसानि गेजेराव सोर



बे बिथांखिनि मुलाम्फाखौ मोनो। नेमखान्थि बायदिये बे बिथांखिनि मुलाम्फाखौ नख रनि सासेल' सोद्रोमाया मोनो। बेबायदियाव बिसि-फिसायनि गेजेराव बे बिथांखिखौ जायनि मुखव हानि रेंजिस्टर थागोन बेल' मोनगोन। अदेबानि पिएम किसाननि मुलाम्फा मोननो थाखाय हानि फोरमानलाइ होनांगोन। 2024 नि जुन दानाव आबादारिफोरनि एकाउन्टआव पिएम किसाननि 17 थि किस्तिआ हाबदोमोन। आधिखालाव आबादारिफोरा

एडिआरइ आन्जादनि नेम-खाथिखौ सिमफायनायनि दायाव साबै हमजादो



गुवाहाटी, 16 सेप्टेम्बर : जिल्लानि सपन दास होन्ना मिबथिनो हादो। नाथाय गुबुन सारैनि मुंखो पुलिसआ सोणडव लाबोयाखै। मानोना बिसोरो आन्जाद होनो गोनां आइजो बिजाथिमोन। पुलिसनि बायदिव्ला बराया जेना गोनाडै सा 2 एडिआरइ बिजाथिफोरनि रल नाम्बार बुधुमदोमोन। बेयो गलाघाट जिल्लानिफ्राय सासे आरो जरहाट जिल्लानिफ्राय सासेनि रल नाम्बारमोन। दायनिगिरिफोरा गासिबो खामानिखौ फनआवनो मावदो आरो बिसोरनि गेजेराव जेबो

रांखाथियारि लेन-देन एबा मानि ट्रान्जेक्शन जायाखैमोन। उनाव गासिबो दायनिगिरिखौ कर्टआव नुजाथिहोनाय जायो। बेनि गेजेरजो रबिबारआव गोखो रैखाथिनि गेजेराव एडिआरइ आन्जादआ खुंफुंजायो, जेराव जायखि-जाया रोखोमनि जेना जानायनि जेबो खौरं मोन्याय जायाखै। सरकारनि गुबुन गुबुन बिफानफोराव ग्रेड-III मावफारियाफोरनि लांदां जाना थानाय मासिफोरव थिसनो बे आन्जादखौ खुंनय जादो। गासै 3 घन्टनि आन्जादआ 10:30 रिगानिफ्राय सान्जोफुनि 1:30 रिगानिफ्राय जादो। राइज्योनि 429 आन्जाद मिरफोरखौ सिगानि माखासे जेना जानायखौ नोजोर होना जेना गोनां मिर होन्ना सिनायथिना लाखिखादो। अदेबानि गासै 2,305 मिरफोरव आन्जादखौ खुंफुंनय जायो।

मणिपुरनि दरवा जिल्लायवा इन्टरनेट सिबिथाइ होबथानायखौ 5 सानसिम फोलावबाय

इम्फल, 16 सेप्टेम्बर : मणिपुर सरकार गोबां जेना जानाय राइज्योनि दरवा जिल्लाफोराव इन्टरनेट आरो मबाइल डाटा सिबिथाइफोरखौ होबथानाय एबा बन्द 'खालामनाय समय सिमाखौ बारायना होबाय। रबिबार, 15 सेप्टेम्बरखालि फोसावनाय मोनसे बिथोनाव मणिपुर सरकार बुंदोदि, थासासिखौ नायसंनानै आयेन आरो बेव 'स्थाखौ नोजोर लाखिना 15 सेप्टेम्बरनिफ्राय इन्टरनेट आरो मबाइल डाटा सिबिथाइ होबथानायखौ सानबा बारायना होबावनायनि थांखि लायो।



बिथोनाव बुंवावदोदि, राइज्यो सरकार राइज्योआव सोलिनाय थासारि आरो आयेनारिबेव 'स्थाजो लोगोसे जायगानि थासासिखौ सामलायना लाखिनो थाखाय इन्टरनेट आरो मबाइल डाटा सिबिथाइखौ माखासे सान बन्द 'खालामना

बांसिन ओन्सोलाव गोहोम गोनां जागोन। फेगो सानबनि थाखाय बेफोर सिबिथाइखौ होबथानाय समय सिमाखौ बारायना होनायाव भिएसएटि आरो भिपिएन सिबिथाइयावो दंफयो। बेफोर जिल्लाफोराव 20 सेप्टेम्बरनि सान्जोफु 3 रिगानिफ्राय बेफोर सिबिथाइया बन्द' थागोन। मणिपुरनि राइज्यो बेंगिरिया जेना गोनां बेफोर ओन्सोलाव इन्टरनेट आरो मबाइल डाटा सिबिथाइफोरखौ अरायथा नडै बन्द' खालामनाय समय सिमाखौ बारायनायनि राइज्यो सरकारा बिथोन होनायखौ बरायदो।

गासै मुलुगआनो भारतखौ 21थि जौथाइनि साबसिन इन्भेस्टर सानो: गाहाइ मन्थि मदि

गोदान दिल्ली, 16 सेप्टेम्बर: गाहाइ मन्थि नेरु मदि दियै समबाराव गुजरातनि गान्धीनगर जिल्लायाव 4थि ग्लबेल रेनुएबल इनाजी इन्भेस्ट सामित (रि-इन्भेस्ट) 2024 खौ बेखेवयो। बे समाव बिथाडा बुंदोदि, भारतनि गुबुन गुबुन फोलेरि, अन्जिमा, गोहो दिन्थिफुनाय आरो जानो हाथावना गासैबो सोमोनांथाव नडा। बेनिखायनो बिथाडा बुडोदि, मुलुगा बाहायथावनाफोरनि थाखाय भारतयारि सुखानाय। बेखौ गासै मुलुगाबो बुजिनो हमबाय। भारतअल नडा गासै मुलुगानो सानोदि, भारतआ 21थि जौथाइनि बर्यनिखुडुबो साबसिन इन्भेस्टर। खौरानि बायदिब्ला, एमएनआरइनि बान्जायनायाव सान्थामनि हाबाफारिजो खुनाय सम्मेलनआव सरकार उद्यम आरो



रंखाथियारि फोथारनि गोहोम गोनो सुबुंफोरजो लोगोसे 10 रोजानि बांसिन थान्देफोरा बाहागो लायो। मिरुनि मन्थि प्रहलाद जषिया गाहाइ मन्थिनि दैदेन्नाय हाबाफारिखौ बाख्नायो, जाय भारतखौ रेनुएबल इनाजीयाव ग्लबेल लिडार जानायाव मदत

खालामदो। भारतआ मुलुगानि 5 थि देरसिन हादत जानायनि अनगायै मुलुगानि गोखैसिनै जौगाबोनाय रंखाथि बेब'स्था गोनो हादतबो। गाहाइ मन्थि मदिनि दैदेन्नायाव भारतआ गोग्गो एनाजीनि थाखाय खामानि मावगासिनो दं। आगुआव गुजरातनि गिबि मन्थि

बिबानआव थानाय समावबो गाहाइ मन्थि मदिआ रेनुएबल इनाजी खौ जौगाहोनायाव मख'जाथाव बिफाव लादो। बिथानि दैदेन्नायावो गुजरातआ ग्रिन इनाजीनि फोथाराव गिबि थाखायाव जाफुंसारनो हादो। मन्थि जषिया बुदोदि, भारतनि गाहाइ मन्थि जानाै बिथाडा मोनसे गोग्गो आरो बेसेन गोसा नडै मुलुग दानायनि थाखाय बेखौ मोनसे मुलुगानो मिशन बानायदो। गुजरातनि गिबि मन्थि भुपेन्द्र पाटेलआ बुदोदि, गाहाइ मन्थि मदिनि दैदेन्नायाव राइज्यो रेनुएबल इनाजीनि फोथाराव जौसिन थाखोनि राइज्यो महेर जाखानायजो लोगोसे राइज्योनि रेनुएबल इनाजीनि खाथि आरो ग्रिन हाइड्रोजन खाथिया राइज्यो सरकारनि सोमखोर इयुनि फारसे बिबान थानायखौ दिन्थियो।

गुजरातआव रेनुएबल इनाजीनि गाइसनाय गोहोआ 50,000 मेगावाटनि बांसिन जेराव रेनुएबल इनाजीया राइज्योनि इनाजी गोहोआव 54 जौखन्दो बिहोमा होयो। गुजरातआ सलार इनाजी दिहुन्नायाव हादतनि गेजेरवो आवगायसिनआव दं। रि-इन्भेस्ट 2024 नि गाहाइ मिशनआ 500 जि डब्लिड, जाय 2030 सिमाव गावनि रेनुएबल इनाजीनि दिहुन्थाइनि गोहोखौ मख'जाथाव फु वारनायनि भारतनि सोलोखाथियारि थांखिखौ रोखा खालामो।

गुवाहाटी, 16 सेप्टेम्बर: आसामनि गिबि मन्थि उड हिमन्त बिश्व शर्माआ गिबि आसाम थो'जो थिसन्नाय आन्जाद (एडिआरइ) खौ जाफु'सार आरो गोजोनै खु'फुनायाव बाहागो लानाय बिबानगिरिफोर आरो मावसुमाफोरनि फारसे साबायख'र बाउहरदो। सशेल मिडिया प्लेटफर्म एक्सयाव गिबि मन्थिआ बे मख'जाथाव हाबाफारिखौ जेबो जेना गैयाजसे खु'फुनायाव बिसोरनि नाजानायनि थाखाय सरकारनि मावसुमा हान्जाफोरखौ बाख्नायो। बिथाडा



बे आन्जादिनि जाफु'सारनायखौ मोनसे गिदिर जाफु'सारनाय होना फोरमायदो। उड शर्माआ बुदोदि, गिबि एडिआरइ आन्जाद गोजोनै जोबना था'बाय। बे जाफु'सारनायनि गेजेरजो आसाम सरकारनि गासै बिबानगिरिफोर

आरो मावसुमाफोरनि फारसे बिथाडा साबायख'र जासिहरदो। बेजो लोगोसे बिथाडा राइज्योयाव इयुनाव साखि होनो थाखाय गुवार हाबाफारिफोर सोलिबाय थगोन होना खोथा होदो।

मणिपुर पुलिसआ धर्नानि समाव हाथियार बाहायनायखौ लानानै गिखांनय फोरमायदो

इम्फल, 16 सेप्टेम्बर: मणिपुर पुलिसआ धर्नानि समाव गोदान मुगानि हाथियारफोर बाहायनायखौ लानानै गिखांनय फोरमायदो। डिआइजि (रेन्ज 1) हिरजित सिंआ बुदोदि, धर्ना होग्राफोरा हाथियारफोरबो बाहायगासिनो दड। धर्नानि समाव पुलिसनि सायाव माखासे हाथियारफोरजो फाइर खालाम जादो। खाबेइसइयाव बावेसो सिगां अट'मेटिक हाथियारफोरजो गुलि गावनायाव इम्फल इस्ट कामान्डनि सासे बिबानगिरि आरो गुबुन सासे मावसुमाया जोखोम जायो। डिआइजिआ बुदोदि, जो सुबुंफोरखौ गावसोरनि थाखि दैखानायफोरनि थाखाय



सुबुंखाथि आरो अहिंसायै बाहायनो खवलायदो। पुलिसखौ नोजोर होनाय थांखिजो खालामबाय धर्नाखौ थाबै नो बन्द खालामनो खवलायदो। बेयाव आयेन आरो बेबस्थाखौ सोलिहोना लाखिनारनि गोनांथि दड। बांसिनै सांग्रांथि गोनां ओन्सोलफोरव हाबनाय आरो

रबिबारखालि बिथोन फोसावनै सोनाब इम्फल, सान्जा इम्फल, थोबल, बिष्णुपुर आरो काकचिं जिल्लाफोराव इन्टरनेट आरो मबाइल डाटा सिबिथायखौ बन्द खालामनायखौ बांहोयो। बेनि सिगां राइज्यो सरकारआ 10 सेप्टेम्बरनिफ्राय सानबानि थाखाय इन्टारनेट सिबिथायफोराव होबथानाय जाबसिनना होदोमोन। बे होबथानाया रबिबारखालि जोबना थांनोगोमोन। नाथाय आथिखालनि थासारिखौ नोजोर होनासै सरकारा बेखौ बांहोना थांखि लादो।

मिज 'रामनि गात्रि राजालामानि थाखाय थाव टेंकारफोर थांनो हायैआव थावनि बेसेना बांदो

आइजल, 16 सेप्टेम्बर: मिज 'रामआ इम्मिनेट पुयेल जे'नाजो भुगिनांदो। मानोना मिज 'राम अयेल टेंकार इडिभार एसिएशन (एमअटिडिए) आरो पेट्रोलियम एन्टारप्रेमियस एन्ड ट्रान्स पर्टर्स इन्डियन अफ मिज 'राम (पिडिटिउएम) आ 17 सेप्टेम्बर 2024 निफ्राय टेंकार सोलिनायखौ होबथानो फोसावयो। मोनसे जथुमानि उनाव बे थांखिखौ फोसावदो। थांनय 13 सेप्टेम्बरआव खुनाय जथुम्मायाव एएइस 306 आरो 6 नि गोब्राब थासारिनि बागे जिंगा फोरमायदो। टेंकारआ पारगमनि थाखाय गिखंथाव होन्ना गनायजानाय लामाफोरनि जाहोनाव गोबां टेंकारआ गात्रि जादो आरो गोबां रां गारना बानायफिनांदो, जायजो पेट्रोलनि गारिफोराव गोब्राब गोहोम गोर्लैदो। आथिखालाव राजालामाफोराव टेंकारफोरा थाबथाना थानायनि जाहोनाव




गोबां पेट्रल स्टेशनफोराव पुयेलआ जोबलांनो हमदो आरो बेनि जाहोनाव माखासे पाम्पफोरखौ बन्द खालामनांदो। कन्नापुइ आरो सैरां गामिनि गेजेराव राजालामा खोन्दोफोरनि गोनां थार फोसावना जोबजासिम टेंकार खारनायखौ बन्द खालामनाया सोलिबाय थागोन। पुयेल आंखाल

जानायनि अनगा गेलामाल स्टक पइन्टफोरा जगायथायनि जेनाजो मोगा-मोगि जानांदो। मानोना ट्राकआ गात्रि जानाय लामाफोराव थाबथाना थानांदो। लामाया गात्रि थासारियाव जानायनि जाहोनाव पारगमनि समाव ख'हा जानायखौ बुंथिनानै ट्राक इडिभारफोरा मुवा-बेसादफोरखौ रोगानो नेवसिनारजोबो थासारिया गात्रिसिन जादो।

हा-हु जेनानि जाहोनाव एनएइसआइडि सिएलआ शिल-डावकि आन्डारपासखौ फिसा खालामबाय

शिल, 16 डिसेम्बर: माहारियारि राजालामा आरो गुदि-बिथा जौगाखां निगम लिमिटेड (एनएइसआइडिसिएल) आ मेघालयआव शिल-डावकि रडआव आन्डारपास बानायनाय गावनि बिथांखिखौ बोखाना लाफिनबाय। जागयजेननायाव आन्डार पासखौ फुवारनाया

बारिक पइन्टसिम खालामनायमोन। नाथाय हा-हुजो सोमोन्दो थानाय जेनाफोरनि जाहोनाव जर'खायै रैखाथि गोनां सम्फदजो लोब्बा थानाय एनएइसआइडिसिएलआ बिथांखिखौ खम खालामनो थांखि लायो। आन्डारपास आथिखालाव अन्जलि पेट्रल पाम्पनिफ्राय 100 मिटर सिगां जोबहैसिगोन। बे सोदांनय बिथांखिया राइज्यो सरकारनि गेजेरजो बारिक पइन्टखौ फुवारनायनि थाखाय गोनांथि जानाय बायदियै हा मोनहोनायाव जेनाफोरजो मोगा-मोगि खालामनायनि उनाव फेयो। सिगांनि खोथा ह े स े य 1 व ब े एनएइसआइडिसिएल आरो बिथांखिनि बोसोनगिरिफोरा हा आवग्रिना लानायाव गोबां



हे'थाफोरजो मोगा-मोगि जानांदो। जेराव सान्थिनि आखायावल'थानाय सम्फदनि शेयाराबो दंफायो। एनएइसआइडिसिएलनि सासे बिबानगिरिआ बुडोदि, गोनांथि जानाय बायदियै हा मोनायाव राइज्यो सरकारनि मदत होयै आरो रैखाथि सम्फदफोरजो लोगोसे जेनाफोरखौ नोजोर होनासै जो आन्डारपासखौ बेनि दा बानायनाय गोलावसिम सिमना गोनां खालामनो थांखि लादो। आथिखालाव जुदि

राइज्यो सरकार गोनांथि जानाय बायदि हाखौ आवग्रिना लानायाव जाफु'सारोब्ला इयुनाव जो

बिथांखिखौ फु वारनायनि सायाव सावरयफिनो हागो। एनएइसआइडिसिएलआ आथिखालाव 930 मिटरनि आन्डारपासनि थाखाय डिजाइनखौ जोबथा महर होदो। खेबसे डिजाइना आबुं जानायनि उनाव बानायनो थाखाय टेकनिक फोरनि नायबिजिनारयखौ सिगां होनाय जागोन।

त्रिपुरायाव 5 थि थाखोनि फरायसाखौ लांखारना जिनाहारि खालामदो

आगरतला, 16 सेप्टेम्बर: त्रिपुरायाव 5 थि थाखोनि फरायसुलिखौ जिनाहारि खालामनाय सुगैथाव जाथाय सोमजिदो। पुलिसआ नख'रनि सुबुंफोरनि अजद दैखानायाव दायनिगिरिनि हे'थायै फस्क'जो लोगोसे गुबुन आइनफोव केस थिसन्दो। फरायसालिनिफ्राय

फेफिननाय समाव गथ'खौ लांखारनायनि उनाव बे इनाय जाथायखौ खालामो। बे जाथाया खोला त्रिपुरा जिल्लानि। दायनिगिरिनि हे'थायै बेलनिया पुलिस थानायाव केस थिसन्दो। मिडिया रिपोर्टनि बायदिब्ला, स्कुलनिफ्राय गथ'आ न'आव फेफिनैयाव नख'रनि सुबुंफोरा बिखौ नागिरो। नाथाय दिहुन्नो हाथैनि उनाव बे जाथायनि खोरंखौ पुलिसनो होयो। बेनि उनाव बे ओन्सोलनि 22 बोसोर बैसोनिसासे लाइमोनो सैनांनय हिन्जावसाखौ न'खाथियाव दोनफेयो। पुलिसआ दायनिगिरिनि हे'थायै केस थिसनानै बिजिनो जागायबाय। दासिम पुलिसआ दायनिगिरिखौ ग्रेनार खालामनो हायाखै। बेनि सानसे सिगां शुक्रबारखालि सा त्रिपुरा जिल्लायाव हान्जायारि जिनाहारि खालामनाय दायनिगिरि सानै सुबुंफोरखौ ग्रेन्टारबो खालामबाय।

No.BDB/SOPD-104/2017-18/ Dated the Mushalpur 16th September, 2024

SHORT NOTICE INVITING TENDER

Sealed tender affixing a non-refundable Court fee stamp of Rs. 8.25 (Rupees eight & twenty five) only with a validity period of 180 Days, which will subsequently to be converted and drawn up in the printed of F-2 form are invited from the registered Contractors of Class-II and Class-I (A, B & C) category of Assam PWD (Roads) and BTC, according to their eligibility for submitting tenders for the following works under SOPD fund for the year 2024-25 as stated below. The tenders will be received by the undersigned up to 12.00 Noon on 09/10/2024 and will be opened on the same date & place at 2.00 P.M.

Sl. No.	Name of Works	Tender Amount (Approx)	Cost of Tender Paper	Time of Completion of Work
1	Const. of Community Hall at Palashguri Revenue under SOPD fund for the year 2024-25.	17,00,000/-	500.00	6 (six) Months from the date of issue of F.W.O.

Detail N.I.T. may be seen in all working days during office hours in the office of the undersigned. Tender papers will be issued to the contractors or their authorized agents from 19/09/2024 & 8/10/2024 in the office of the undersigned on payment in the form of Demand Draft/Banker's Cheque from any Nationalized Bank, duly pledged in favour of the B.D.O. Baska Development Block, payable at S.B.I. Mushalpur.

Sd/-
Block Development Officer
Baska Dev. Block, Mushalpur

IPR(BTC)/C/2024-25/538

No.GDB/ RD/BTC/15thFC/174/2020-21/703 Date 02/09/2024

SHORT NOTICE INVITING TENDER

Sealed tender affixing a non refundable court fee stamp of 8.25 (Rupees Eight & paise twenty five) only with a validity period of 180days which will subsequently to be converted and drawn up in the printed of APWD, F-2 Form from the Govt. registered contractor/Farm of Class III and above category of Assam PWD Department and BTC. According to their eligibility for submitting tenders for the following works under 15th FC (Tied Grant) for the year 2022-23 during 2024-25 as stated below. The tender will be received by the undersigned up to 2.00 PM on 24/09/2024 and will be opened on the same date & Place at 2.30PM. Payment of non refundable, the tender form's cost is Rs. 500.00(Rupees Five hundred) only and non refundable 0.03% only in cash for each act of tender paper Demand Draft to be drawn in favour of the Principal Secretary, BTC, Kokrajhar payable at Kokrajhar.

Sl. No.	Name of Scheme	A. A. Amount (Rs.)	Tender Value of work (Rs.)	Time of Completion of Work	Earnest Money (1% for ST/SC and 2% for Gen /Farm and
1	Const. Of Community toilet at Bahari Weekly Market under Gobardhana Dev. Block of Baska Dist. Under 15 th FC (Tied Grant) for the year 2022-23 during 2024-25	Rs. 11,00,000.00	Rs. 10,47,960.00	180days	(1%) Rs. 11000/- (2%) Rs.22000/-

The tender /tenders must be submitted with the requisite Earnest Money Deposit(EMD) in the form of deposit at Fixed Deposit /Demand Draft to be drawn in favour of the BDO, Gobardhana Dev. Block payable at Barpeta Road. Tender not accompanied by the Earnest Money Deposit (EMD) is liable to be rejected.

Sealed tender in the prescribed tender form shall be addressed to the Block Development Officer cum Chairman, Tender Committee, Gobardhana Dev. Block, Barpeta Road, Dist.-Baksa, P.S.-Barpeta Road, Pin-781315, Assam. Tenders received after above date & time will not be accepted. The undersigned reserve the right to issue the tender papers to the tenderers and to accept or reject /cancel any or all the tenders if the situation compel to do so without assigning any reason thereof and DOES NOT BIND HIMSELF TO ACCEPT THE LOWEST QUOTED RATE OF TENDER.

UNSEALED TENDER WILL SUMMARILY BE REJECTED.

Sd/- Block Dev. Officer cum Chairman,
Tender Committee Gobardhana Dev. Block
Barpeta Road

IPR(BTC)/C/2024-25/537

অসম লোকসেবা আয়োগ
ASSAM PUBLIC SERVICE COMMISSION
Jawaharnagar, Khanapara, Guwahati-781022.

No. 53PSC/CON/Exam-22/2023-2024

RESULT

The Assam Public Service Commission hereby declares today, the 16th September, 2024, the result of the recruitment to the post of Lecturer, Foundation of Education (F.E) in the Directorate of SCERT, Assam under Department of School Education advertised vide no. 20/2022 Dated 13/09/2022.

The interviews for the said posts were conducted by the Commission in collaboration with Experts deputed by the Govt. of Assam from 09/09/2024 to 16/09/2024. The Commission recommended the following candidates for the said posts, in order of merit:

Name of Post: Lecturer, Foundation of Education (F.E)
No. of Post: 7 (Seven) (RFW:2)
Break-up: Unreserved: 3 (RFW:1), OBC/MOBC:2 (RFW:1), STH: 2

Position	Roll No.	Name of the candidate	Gender	Recommended against vacancy
1	40212	NEHA CHETRY	F	UNRESERVED
2	40213	PRASHANNA KUMAR BORAH	M	UNRESERVED
3	40104	JYOTISMITA DUTTA	F	UNRESERVED
4	40262	BHABANA CHUTIA	F	RESERVED
5	40156	KABITA NATH	F	RESERVED
6	40269	AMON GANGMEI	M	RESERVED
7	40089	RITA RONGPHARPI	F	RESERVED

• Results may be accessed through the APSC's website www.apsc.nic.in

Sd/-
Principal Controller of Examinations,
Assam Public Service Commission,
Jawaharnagar, Khanapara, Guwahati-22

Janasanyog /D/5906/24/17-Sep-24

अख्रांमायाव गार्सैबो मुवाहानो गावनि खारथाइ दं, दिदोम थायोब्ला मा जागोन ?

इउनिभासैल एबा ब्रह्मान्डआव मोनसेबो दिदोम नडा। जॉं जॉनि बुहुमा थानाने थायो आरो जॉं गावखौनो दिदोमै थानाय बायदि मोन्डाडे। नाथाय गुबैयै बेबायदि नडा। बुहुमा घन्टायव 1,600 किल'मिटर गोखैथिजॉं साननि सोरगिदि गिदिबाय थायो। फारसेथिं सानआ आकाश गंगाखौ सोरगिदि गिदिखनो आरो आकाश गंगाफोरबो लान्श्रिये गिदिखनबाय थायो। बेफोरखौ मिबथिनायनि उनाव मोनसे सॉंथि सिखाडोदि, अख्रांमा मुलुग एबा इउनिभासैलआव गार्सैबो मानो बेबायदि गिदिखनो ? जुदि बेफोर गार्सैबो दिदोमै थायोब्ला मा जागोन ? लाइभ साइन्स रिपट बायदिब्ला माखासे बिगियानगिरिफोर बे सोमोनांथाव बाथ्रानि गुदिसिम नायबिजिनाने रोखा खालामदो। लास कमब्रेस अब्बा'रेंटरिनि अख्रांमा बिगियानगिरि एडभाई गमेजआ बुंदोदि, बे गार्सैबो ब्रह्मान्ड आरो



बेनि सिंनि दाथाय एबा सोरजिथाया माबोरै सोमजिजादों बेनि सायाव सोनारो। ब्रह्मान्डनि जागायनाया बिग बेंगिनफ्राय जागायदों, जायजों सुपार फास्ट एक्पेन्शन जादों आरो आथिखालाव जायखौ जॉं नुनो मोनो बेफोर सोमजिदों। बेनि उनाव बेफोर गोसारो ह्मो। मानोना बिग बेंगिन नारसिन्थाइनि जाहोनाव गार्सैबो आलादा आलादा जालादों मोन। अदेबानि बे हाबाफारिया दासिमबो

सोलिगासिनो दड। ब्रह्मान्डआ गोसारगिसिनो दं। बेनिखायनो अख्रांमानि मोनफ्रोमबो मुवायाव स्पिड एबा खारथाइ नुनो मोनो। हाबल स्पेस टेलिस्कपनि थाखाय खामानि मावखानाय के रल क्रिसियानआ बुंदोदि, ब्रह्मान्ड सोमजिनायनि जागायजेन्नाया खारथि एबा स्पिडजॉं जाजेदों। बेनिखायनो अख्रांमायाव मोनफ्रोमबो मुवाया खारबाय थानायनि आन्दोआव मोनसेल'

जाहोन दड। बे जाहोना जादों बेफोर गार्सैबो ब्रह्मान्डआव गोसारनाने दं। अदेबानि बे गोसारनाया जोबोद गो जानसिम दड। जॉं बेंनि गोहोमखौ बै मुवाफोरखौ नायनाने मिबथिनो हायो, जाय जोबोद गो जानाव दड। जेब्ला मोनै मुवानि गेजेराव जान्थाया बांलाडे अब्बा बेखौ ह्मदंनो हानाय जायो। मोनै अब्जेक्टआ बबेथिं थांगोन बेयो गार्सैबो बेनि गोखैथिनि सायाव सोनारो। ब्रह्मान्डआव गिदिखने जेबो गैया। जुदि बेयो दिदोम थायो अब्बा बेरफुनो हागो आरो गिखंथाव गोहो एबा एनार्जिनि जाहोनाव अख्रांमायाव सिलिंखार खालामगोन। फारसेथिं मोनसे सॉंथि सिखाडोदि, अख्रांमानि गार्सैबो गाव गावनि गोखैथिजॉं खारोब्ला एबा उरयोब्ला जॉं मानो उरायनो हाया। बेनि गोरले रिन्नाया जादों बुहुमनि बोगथाबमा गोहोआ जॉं बयखौबो गावनि फारसे बोगथाबो आरो जॉंखौ बुहुमाव बोगथाबनाने लाखियो।

रंजालि गथ'फोरनि सौरा

गोर्बो गंसे आबुं

रावबो मिथिया जासे दासों नों बुंनाने फोजोबनो हाया आं सिरिमोनै गोसो सिरि मोननाय उनाव, गोर्बो गंसे आबुं गोसोआ उन्दुलांफिननो हाया जायो, सिमां मिजिनि फैसालियाव आं दा मोकथां जानाने गैलिया गले-गले गोर्बोनि लाइजौआव आं दा नॉनि फारसे फिजाइ गैयै मिजिं बावजायो

बावगार हाये गोसो आनि बावगार लांनो नाजायो नाथाइ गोसोखौ माबोरै बुरखायनो हायो नायालासे नॉनि सावगारि गोर्बोनि नोजोर, गोसोआव साजायो नॉनि हायना महर रिथि-रिथा जॉनाय हाथरखिफोर बायदि बावनो हायै जेब्लाबो नोंखौ नुवाब्ला गोसो खांडे नागिरबायो सेराव मोत्रो

बायदि मैया गाब जॉलारिनि देखेजों साजायो समायना खालामनो नॉनि फारसे अननाय लुफावनाय बावहरना गोसोखौ गोजोन मोत्रो हास्थयो, गोसोजॉल' सानना नेनाने थायो गोर्बोखौ नॉनि बिना मोनो हायाखै दा बेनिखायनो सिमानि रं होनाने बायनो हासिगौ आं नॉनि सम्पथि।

प्रदिब रामसियारि सा डेकिजाजुलि, सनितपुर

जिउखौ समायना खालाम

जों जेब्लायबो गाउन जिउखौ समायना खालाम, जेरै फांसे बिबार बिफांखौ गायोब्ला जोथोन लायो जों जॉनि जिउखौबो बेबादिनो जोथोन ला।

बे बिबार बिफांआव समायना गेवलां-गेवथां बिबार बारगोन जेब्ला जों बिखौ जोथोन लायो आबार खालामो, जॉंबो जॉनि जिउखौ समायना बिबारबादि बारहो।

बारसे बिबार खन्थाइ, राइथाइ, मेथाइ, हरिमु, सिबिनाय, रंजानाय, गोजोन, जुलि, बिदाइ, गोसोथोनाय, अननाय, बरायनाय, फुजिनाय।

थिक बिबदिनो..... जॉनि जिउआबो खन्थाइ, रायथाइ, मेथाइ, हरिमु, सिबिनाय, रंजानाय, गोजोन, जुलि, बिदाइ, गोसोथोनाय, अननाय, बरायनाय, फुजिनाय।

हाबुबारि, दाखोरबारियावबो समायना बिबार रज'यो गेवलां-गवथां बिबार बारो थिक बिबदिनो दुखु, गोरिब, लाजिनाय, सोरजोंबा सॉंखारिजानाय, गिनाय, बानाय, मॅनाय बायदि जॅनाफोरखौ नेउसिनाने जॉनि जिउखौ समायना खालाम।

जेरै बिबारनि हायनायाव सुबुनि गोसोआव रंजानाय, मिनिनाय, गोसो थोनाय दं, थिक बिबदिनो जॉनि जाफुसारनायावबो अननाय, बिहोमा, थुलुंगा होनाय दं।

बिनिखायनो जों जॉनि जिउखौबो जेब्लायबो जोथोनै समायना बिबारबादि बारहोना गाब गोनां समायना खालाम।

निरन दैमारि नदुवार, बिस्वनाथ

सोरमोन ?

सोरमोन नों...!!!! अन्थाइ बिखा सिमांफुरिनि दान्दिसेल'..नुजाफैनानै हरखाब थॉफिनखो मानो सिरिये.. सोगाबलांनो आंखौ हारसिडे। फेफिनब्ला हामगौ... बुरखायफेफिनबा हामगौ... गावस्नाया बिखानि गाराइखौ बिलिफेफिनब्ला हामगौ दिने हरनि सिमांफुरियाव गोबाना लाफेफिनबा गोजोनगौ सिगलाबनाय मेगननि मोदेखौ हुगारफेफिनबा हामगौ...

मोजां मोननाय आनि सिमानि अनजालि। नेदोंमोन आं रजे सिमांडाव नोंखौ दिनेबो.. गैया नाथाय..मेगनानो निन थॉदियासै गोसोखाडे सिमानि रजे सोरमोन... ? खाफालाव आखाय होनाने मेगननि दुंबुद मोदेजोंसो.. सिगलाबनाय लानाय खर'सानि गान्दुवा। नेनाने दंफेयोमोन जानांगो रजेया सिमांडाव नाथाय आदि गैलियामोन सिमांफुरियाव सोरमोन रजेनि थं नागिरनानै.. हायाखिसै उन्दुलानो दिनेनि हराव.. थारैनो...!! थारैनो...!!!! सोरमोन सिमानि बै रजेया।

बेलारोम बसुमतारि फखालागी, कक्राझार

बारग'नो रावबो राहा गैया

गोसोनि सुखु गैयै थानसालियाव बिदिन्थानि फाखन बे नोजोरनिफ्राय बारग'नो रावबो राहा गैया।

सबिराम बर' रावां, बागसा



तुरा, 16 सेप्टेम्बर: मेघालयनि जनवेल गाबिल ममिनआ राइज्योनि गिबिसिन फोरमान मोनो हानाय जिउ राहायारि गल्फ कच जाबाय। तुरायव थानाय गल्फ गेलीगिरिया नेशनेल गल्फ एकाडेमी अफ इन्डिया (एनजीएआइ) निफ्राय गावनि 'डी' फोरमानलाइ आरजिनो हादों। ममिनआ गावनि गार्सै दावबायनायाव हेफाजाब होनायनि थाखाय तुरा गल्फ एसोसिएशन आरो शिल कलाबनो साबायखर बावदों फोरमानलाइनि थाखाय ममिननि लामाया गोब्रावमोन। बिथाड थानाय मे दानआव लिरनाय आनजादखौ जाफुसारे उथिसारदों आरो उनाव आगस्तआव

क्लासिक गल्फ एन्ड कन्ट्री क्लाब, मानेसर हरियाणायाव प्लेइ एबिलिटि टेस्टखौ उथिरदों। बावैसो गल्फ बिथाड कलकातायाव मुंदांखा भारतारि कच इन्ड्रजीत भलोदियानि दिथायाव गावनि सोलॉंथायखौ फोजोबदों जाय बिथानि फोरमानलाइयाव गोनांथार बिफाव लादोंमोन। बिथाड फोरमायदोंदि, बे जाफुसारनाया खालि बिथानिल' नडा नाथाय गार्सै मेघालय रायजोनि थाखाय गोगानायनि फुंखा। गावनि गोदान फोरमानलाइजों ममिनआ गावनि गल्फ एकाडेमि गायसनो आरो गार्सै सा-सानजा ओनसोलाव कचिं सिबिथायफोरखौ फेहेरनो सानथाखि बानायगासिनो दडा बिथाड सिगानिफ्रायनो आसाम आरो गार' हिल्सआव फोरंथाय बादाफोरखौ थि खालामदों। ममिननि मोनफुनाया बिथानि गोब्राव नाजानाय, बावसोमनाय आरो बिथानि नखर आरो सुबुं समाजनि मददनि फोरमान। बिथानि थॉखिया मेघालय आरो सा-सानजानि रोंगथि गोनां गल्फफोरनि मोनसे गोदान जोलैखौ थुलुंगा होनाय आरो फेदेरनाय। ममिनआ गावनि गल्फ एकाडेमिखौ जागायनो आरो गार्सै सा-सानजा ओनसोलाव फोरंथाय सिबिथाय होनो थाखि लादों। बिथाड सिगानिफ्रायनो आसाम रेलवे गल्फ कर्सआव फेगौ दाननि थाखाय मोनसे फोरंथाय बादा थि खालामखाबाय आरो बिथाड तुरानि दुरामा गल्फ कर्सआव गार' हिल्सआव गुबुन मोनसे बादा खुंनो थाखि लादों। बिथाड बे ओनसोलाव गल्फनि जौगानायखौ बांहोनायाव मोनसे गोनांथार बिफाव लानो थाखि लादों।

आन्डार टेकारनि मोनथाम गिदिरे रेकर्डफोरखौ सिफायनाया बयनिबो थाखाय जाथावना नडा

वासिंटन: आन्डार टेकारआ 1990 मायथाइयाव डब्लिउडब्लिउडआव आगान होजेनदों। वल्ड रेसलिं इन्टारटेनमेन्टआव गावनि जागायजेन्नायनिफ्राय आन्डार टेकारा उरथिं नायफिनाखै। डब्लिउडब्लिउडआव बयनिखुइबो गोलावसिन केरियारनि रेकर्डआ आन्डारटेकारनि मुडव दं। बिथाड 30 बोसोरसिम डब्लिउडब्लिउड रिखौ सोमावगुलंदों। बे रेकर्डखौ सिफायनाया बयनिबो थाखाय गोरलै नडा। आन्डार टेकारआ सार्वभार सिरिजनि गेजेरजों डब्लिउ.ड.ड.आव आगान होजेनदोंमोन। आन्डार टेकारखौ डेडमेन मुडैबो मिथिनाय जायो। बिथानि गुबै मुड मार्क उडिलियाम कैलावे। 24 मार्च, 1965 माइथाययाव आमेरिकायाव जोनोम मोननाय आन्डार टेकारनि दानारि बेथना 2.5 मिलियनसो जायो। बिथाड फोसावनायनिफ्राय गोबां रं आरजियो। बेनि अनयाथेबो, बिथाहा लीजेन्ड डब्लिउडब्लिउडजों मोनसे रदाय दडा थारैनो, बिथाड 22 नवेम्बर 2020 आव गावनि आजिरा लानायखौ फोसावदों, बेनि गेजेरावबो बिथाड दासिमबो सुबुंफोरनि गोसोखौ सासन खालामो। आन्डार टेकारआ डब्लिउडब्लिउड रेसलमेनियायाव बयनिखुइ बांसिन मेचफोर देरहानायनि रेकर्ड खालाम दं। आन्डार टेकारआ रेसलमेनियायाव रेकर्ड 22 देरहानाय रेबगान्थिदों। रेसलमेनियायाव, बिथाड ब्र'क लेसनार आरो रमान रेस्जॉल' जेनदों। आन्डार टेकारआ गावनि जोनोम साननि फालिथायाव इं 1997 मायथायाव रेसलमेनियायाव गावनि देरहानायखौ जागायजेनो। बे समाव बिथाड रिंआव मुलुगनि गोबां गेदेमाफोरखौ फेजेनदों। आन्डार टेकारनि उनाव रेसलमेनियायाव बयनिखुइबो बांसिन



मेच देरहानाय खमलायगिरिनि मुंखौ जन सिना दोननाय जादों। जन सिनाया फारियै 10 मेचफोर देरहादों। बिथानि थाखाय आन्डार टेकारनि बयनिखुइ बांसिन देरहानायनि रेकर्डखौ सिफायनायाबो गोब्राव जागोन। आन्डार टेकारआ डब्लिउडब्लिउडइनि हेल अफ सेल मेचफोरव बयनिखुइ बांसिन नुजाथिनायनि रेकर्ड खालामना दं। बिथाड हेल अफ सेल मेचफोरव 14 खेब गेलेदों जायनि समाव बिथाड 8 मेच देरहादों। आन्डार टेकारनि बे रेकर्डखौ सिफायनाया रावबो खमलायगिरिनि थाखाय गोरलै नडा। ट्रिपल एडचआ आन्डार टेकारनि रेकर्डनि खाथियाव सौहैबाय। ट्रिपल एडचआ बयजोंबो दि गेम मुडै मिथिजायो नाथाय बिबो डब्लिउडब्लिउडइनिफ्राय आजिरा लाबाय। बेबादिनो, आन्डार टेकारनि गेदेर रेकर्डखौ सिफायनाया जाथावना नडा।

इउनसा बर' अदालगुरि

लिरनेआ गुकेशनि सायाव देरहानायनि मिजिथि होदों

गोदान दिल्ली, 16 सेप्टेम्बर: सोलिफु चेम्पियन डिंग लिरनेआ फोथायोदि, गावनि भारतारि चेलेन्जर डी गुकेशआ फेगौ नवेम्बरवाव बुहुमनां चैस चेम्पियनशिपनि दाबिदार जागोन, मानोना थानाय बोसोरसेआव गावनि गेलेनाया जोबोद गाहायाव फेदों। लिरनेआ आरो गुकेशआ आथिखालाव बेवहाय 45थि चैस अलिम्पियाडआव बादायलायगासिनो दं। गुकेश, आर प्रज्ञान्धा, भिदिट गुजराती आरो अर्जुन परिगासीनि क्वार्टेटजों साजायनाय भारतारि हानजाया आथिखालाव लिरनेनि चीन आरो बानजायगिरि हांगारीजों लोगोसे गोजौसिन थावनिथाव दडा। लिरनेआ इन्टरनेसनेल चैस फेडरेशन (एफआइडी) जों खुंजानाय मोनसे सावरायनायाव बुंदों, आनि बेरेखा (गुकेश) खौ बे टुर्नामेन्टआव जोबोद मोजाडे गेलेनाय नुयो। बिथानोआ जानो हागौ बुहुमनां चेम्पियनशिपआव आनिखुइ बांसिन देरहानायनि आसा दं मानोना बिहा दायो आनिखुइ मोजांसिन रेटिं दं। थानाय बोसोरनिफ्राय आनि गेलेनाया जोबोद गाहायाव फेदों नाथाय रेटिंनि फारागथिखौ फोजोबनो हाजासे नाजागोन। 31 बोसोर बैसोनि चीननि गेलेगिरि लिरनेआ अरायसमनि बयनिखुइ बांसिन रेटिं मोननाय चैस गेलेगिरि। बिथाड थानाय बोसोरनि मे दानआव रासियानि ग्रेन्डमास्टर इयान नेप'मनियाच्चीखौ फेजेननाने मुलुगनां बिर्मुनि मुकूट देरहादों। बबेखानि गोसो बायनायनि जाहोनाव बिथाड गेलेनायनिफ्राय जिरायनो गोनां जादों। लिरनेआ सोलिफु बोसोरनि जागायजेन्नायाव टाटा स्टील चैस बादायलायनायाव आवगायफिनदों आरो बादायलायनायाव गुथि थाखोआव थादों। गुकेशआ एप्रिल दानआव केन्डिडेत्स टुर्नामेन्टखौ देरहादों आरो



17 बोसोर बैसोआव मुलुग बादायलायनायनि बयनिखुइ उन्दैसिन चेलेन्जर जादों। बेनि उनाव बिथाड मे दानआव 18 बोसोर बैसोआव आगान होजेनदों। गोगाथाव बिमुं आरो 2.50 मिलियन डलार (फ्राय 21 कोटि रं) नि बान्था राड बादायलायनाया सिंगापुराव फेगौ 20 नवेम्बरनिफ्राय 15 दिसेम्बरसिम मोगा-मोगि जागोन। जुदि गुकेशआ बे बिमुंखौ देरहानो हायोब्ला बिथाड गेदेमा भिस्वनाथन आनान्दिन उनाव गिबिसिन भारतारि चेम्पियन जागोन। आनान्दआ गावनि मुंदांखा केरियारआव खेबबा बे मुकूटखौ देरहादों। गुकेशआ बुहुमनां चेम्पियनशिपनि थाखाय गावनि सानथाखिफोरखौ फोस्मायनायनिफ्राय गोजानाव थायो। जेब्ला लिरनेनि ह्यैथयै मेचनि सोमोदें सॉनाय जायो अब्बा बिथाड सोलिफु टुर्नामेन्टनि सोमोदें रायज्जालयदोंमोन। बै समाव बियो बेखौ मोनसे गोनांथार टुर्नामेन्ट। अलिम्पियाडआव अपेन केटेय रिंआव (होवाफोर) 196 हानजाफोर आरो आयजोफोरनि बादायलायनायाव 184 हानजाफेर दं।

पबित्र ब्रम्, एम.ए सिमेन सायारि, धेमाजि

(1 बिलाड़िन्फ्राय)

कक्राझारआव मन्थ्र रजज पेटुआ फरायसालि-फरायसालिमाफोरनि गोरयुं-गाहाइ फोरोगिरिफोरजों सावरायलायदों

बिधान परिषदन न'ब्लाडव बितिंसिन गाहाइ मावफुं सोद्रोमा प्रमद बर'नि नुजाथिनायाव खुंनयाय मोनसे सावराय मेलाव बाहागो लायो। बे सावराय मेलाव ड्राप-आउटइन हारनि सोमोन्दे गोनांथार सावरायलायो। माहारियारि ड्रप-आउट हारनिखुइ आसामनि ड्रप-आउटइन हार बांसिन आरो बेनि गेजेराव चिरां-कक्राझार जिल्लायाव ड्रप-आउटइन हारबा मोनसे, बेनिखायनो दिने सोलेंथाइ मन्थ्र रजज पेटुआ कक्राझार-चिरां जिल्लानि गोरयुं आरो गाहाइ फोरोगिरिफोरजों सावरायलायो आरो ड्रप-आउटइन हारखौ बाइइ खालामनो थाखाय बोसोन होयो। बेनि अनगायैबो मेलाव गुबुन माखासे सोलेंथाइयारि आयदानि सोमोन्दे सावरायलायो। मेलनि जोबथायाव खौं बिजोनि सिगाइव मन्थ्र रजज पेटुआ बुडेदि, गोरयुं आरो गाहाइ फोरोगिरिफोरजों सावरायलायो गाहाइ खोलोबनि जेनानि सोमोन्दे बिथाइ मिथिनो हारदों आरो बेयाव बिथाइ मुलाम्फा जादों। गुबुन फारसैथि, खौरगिरिनि सौंथिनि फिनायाव मिडचुवेल फोरोगिरि सोलाय-सोल' खालामनाय हाबाफारिया जोबनायनि उनावनो रेसेलाइजेसननि हाबाफारिया जागायजेनगोन होनानै मन्थ्र पेटुआ बुडे। बेनि अनगायैबो कैगो से खावसे दाननि गेजेराव बिटिआरआव गोजू फरायसालि थाखोयाव गासै सा 1467 फोरोगिरिनो थिसन्थाय होगोन होनानैबो मन्थ्र रजज पेटुआ फोरमायदों होनानै बिटिंसिन गाहाइ मावफुं सोद्रोमा प्रमद बर'आ मिथिहोयो। गुबुन फारसैथि, बेनि सिगां कक्राझार हिन्जावसा फरायसालिमायाव खुंनयाय गोदान फरायसाफोरखौ बरायनाय हाबाफारियाव गाहाइ आलासि महरै मन्थ्र रजज पेटुआ बाहागो लायो। गाहाइ आलासि महरै बाहागो लानानै मन्थ्र रजज पेटुआ आलारि बाथि फोरजोनानै गोदान फरायसा बरायनाय हाबाफारिखौ बेखेवनानै होयो। गाहाइ आलासिनि बिबुंधियाव मन्थ्र रजज पेटुआ आइजो सोलेंथाइ आरो थिसन्थायनि सायाव बिबुंधि होनायनि सोलेंथाइनि सायाव बयखौबो गोनांथि होनो खावलायो। खौरगिरिनि सौंथिनि फिनायावमन्थ्र रजज पेटुआ सरकारि फरायसालि-फरायसालिमायाव मुं थिसन्थाय मोन्नाया मोजां लैखोन होना फोरमायनानै कक्राझार हिन्जावसा फरायसालिमायि लुफुंथाय जागाथायनि थाखाय एमएलए लरेन्स इस्लारीनि हेफाजाबाव ट्राइबेल एफेयर्स बिफाननिफ्राय अन्त्युंथाइ होगोन होनानै फोरमायो। गुबुन फारसैथि, आसामाव टेट फोरोगिरिनि साखिफोर बावैसो सिगां रंगुलार जाबायब्लाबो बिटिंसिन टेट फोरोगिरिफोरनि साखिया दासिमबो रंगुलार जायाखौ होनानै खौरगिरिया सौंथि सोनायाव बेखौ बिटिसि खुंथायासो खालामगोन आरो टेट फोरोगिरिफोरनि डायखौ बिटिसिनो होनाय जादों होनानै मन्थ्र रजज पेटुआ फोरमायो। मख'नो गोनांदि, दिने बिटिसि बिधान परिषदन न'ब्लाडव खुंनयाय गोरयुं/गाहाइ फोरोगिरिफोरजों खुंनयाय सावराय मेलाव बिटिसिन गाहाइ मावफुं सोद्रोमा प्रमद बर', बिटिसिनि प्रिन्सिपाल सेक्रेटारि, बिटिसिनि सोलेंथाइ बिफाननि बिथोनगिरि, सोलेंथाइ बिफाननि सेक्रेटारि, सोलेंथाइ बिबानगिरिजों लोगोसे कक्राझार आरो चिरां जिल्लानि गोजूसिन गेजेरारि फरायसालिनि गोरयुं आरो गोजू फरायसालिनि गाहाइ फोरोगिरिफोर बाहागो लायो। गुबुन फारसैथि, कक्राझार हिन्जावसा फरायसालिमायि गोदान फरायसा बरायनाय हाबाफारियाव एमएलए लरेन्स इस्लारी, फरायसालिमायि गोरयुं, बिबुंधि आरो फरायसाफोरा बाहागो लायो। एंडिआइ आन्यादनि सौंथि बिलाड़ लिंक जानायनि सोमोन्दे आसामनि सोलेंथाइ बिफाननि मन्थ्र रजज पेटुआ फिनजाथाय होनानै बुडेदि, सौंथि बिलाड़नि लिंक जानायनि खौराइ बिथानिसिम सफैयाखै। एंडिआइ आन्यादनि फोरमायथाय बुधुमनानै दिने आन्याद खुंगिरि बिबानगिरिनिसिम साबायख'र जासिहरदों। एंडिआइ आन्याद मोजाडे-मोजां खुंफुंजादों। सौंथि बिलाड़ लिंक जादों होनानै आं मिथिया होनानै मन्थ्र पेटुआ फोरमायो।

गसाइगावआव लामानि जाब्रबथायाव सासे सुबुनि जिउ खहा, गथ'साजों साथाम सुबुंफोरा जोखोम जादों

फैनाय गुबुन गंसे गोखैथिजों फैनाय बाइकजों मोगा-मोगि जाब्रबथाय सोमजिदों। जोबोद गोखैडे सौंथ्रावलायनायाव जाब्रबथाय सोमजिनयनिफ्राय गोलेनानै दिस्मल गयारीआ जाथायसालियावनो जिउ गोमायो। फारसैथि, बाइकआव थायाव दिस्मलनि बिसि सुजिला गयारी (47) आरो बिनि फिसान्जा, लोगोसेनो गुबुन गंसे बाइक सालायबोनाय 1 नं. बाजुगावनि थागिनि प्रेम मोसाहारिनि फिसान्जा मुन्ना मोसाहारि (27) आ गोब्राबै जोखोम जायो। गुबुन फारसे जायगानि राइजो-राजाफोरनि हेफाजाबआव पुलिसआ गोब्राबै जोखोम जानाय सुजिला गयारी आरो मुन्ना मोसाहारिनिमखौ गसाइगाव हाबुबिलआव थायाव आरएनबि फाहामसालिसिम दैथायहरोब्लाबो इयुन समाव गोजू फाहामथायनि थाखाय बइइगाव आरो सोनाब बंग कचबिहारनि गावआरि नासिंहमआव फाहामथाय लाबाय थानादों होना मिबथि मोन्नाय जादों।

गसाइगावआव पुलिसनि बेंखनाव थानाय सुबुनि जिउ गोमानायखौ लानानै दुंहाव थासारि, पुलिस थाना बेंखनानै सोमावसादों

उतरखारखौ सहायनो हायैयाव बि सुबुइ जिउ गोमादों होना जिउ गोमानायनि नख'राओ गोखों अजद देखंदों। फारसैथि जाथायखौ लानानै खुदिरिंखानाय राइजो-राजाफोर मैया रबिबाखालि गसाइगाव पुलिस थानाखौ बेंखननानै दुंहाव थासारि सोमजिहोयो। जाथाय सोमोन्दे मिबथि मोन्नाय बादिब्ला, रबिबाखालि गसाइगाव सदर सहरनि पालपारनि थागिनि बापि डे (35) मुनि सेंग्राया पार्क खालामनानै दोन्नाय गंसे कारखौ खहा खालामनायनि अजद मोन्नानै ट्रफिक इन्स्पेक्टर अरुन घषजों लोगोसे पुलिसनि हान्जाया गोखे जाथायसालियाव नुजाथिफैयो। बे समावनो पुलिसआ बे सुबुंखौ समलायनो नाजादोंमोन्ब्लाबो दुथां सेंग्राया पुलिसखौबो गोग्लोबदों। फारसैथि, बे सुबुंखौ पुलिसआ आथि-आखाइ खानानै पुलिस थानासिम लाबोदोंमोन्ब्लाबो सोमोनांथायवै जिउ गोमायो। नख'रनि सुबुंफोर आरो जायगानि राइजो-राजाफोर बि सुबुंखौ पुलिसनि बेंखनआव गाग्लोबनानै बुधारदों होना अजद देखंदों आरो जाथायनि सायाव गोजू थाखोनि संदानो दाबि खालामनानै रबिबाखालि बेलासियाव सा 200 निखुइबो बांसिन राइजो-राजाफोरा पुलिस बिधान थानाखौ बेंखनानै दुंहाव थासारि खालामनाय। जाथाइसालियाव गसाइगाव महकुमा गसाइगाव थासारिगिरि हिरन कुमार डेकाआ नुजाफेनानै जाथायनि सायाव रोखा संदानाय बाथ्रा होनायाव थासारिया सामलायथायाव फैयो। गसाइगाव थानानि बिबान मोन्नाय पुलिस बिबानगिरि निदुल गगैआ हमाजनाय सुबुनि जिउ गोमानाया गसाइगाव पुलिस थानासिम लाबोनायनि सिगां जादों होना फोरमायनानै परस्टमर्टेम आन्यादनि उनावनो गुबै जाहोना सोराडव फैगोन होना फोरमायो। फारसैथि, दुलाराय बिटिसि बाडालि लाइमोन फेडारेसननि गसाइगाव जिल्ला आफादगिरि कमल घषआ पुलिस थानायाव फेनानै खौरां बिजोनि सिगाइव जाथायखौ गोखों रावजों सांखारियो आरो गोजू थाखोनि संदानो दाबि खालामो। पुलिसनि उतरखारनि थाखायनो सुबुइ अर्बथारयै जिउ गोमानो गोनां जादों होना अजद देखंनानै बुंदादि, पुलिसआ खासि-बिसियै हायाव खोखैलानै आखाइ-आथि खानानै गाज्रियै बुनायाव जिउ गोमादों होना सन्देह खालामदों। जिउ गोमानाय बापि डेनि गोथै सह'खौ दिने कक्राझारआव परस्टमर्टेम आन्याद खालामनानै नख'रनो गथायना होयो। दिने बेलासियाव पालपारायाव थायाव गावनि न'आव हंसारि जानाय बापि डेखौ धोरोमारि नेम-खान्थिजों जोबथा बिदाय होयो।

बिहालीआव मन्थ्र पियुष हाज'रिकाआ फरायसाफोरजों सावरायलायदों

गोनांथार होना मन्थ्रआ बुडेदि, बे थारिखौ गिबि मन्थ्र डु हिमन्त बिश्व शर्मा दैदानाय सरकार गिबि मन्थ्रनि निजुत मइना बिथारिखौ जागायजेन्दों। राइजोयाव आइजोफोरनो गोहो होनाय आरो उन्दै बैसोयाव हाबा जानायखौ होबथानायनि बिथिडव बे मिजिथि जाथाव बिथारिखाया गोबां मुलाम्फा होगोन होनानै मन्थ्रआ बुडे। दिनेनै बे हाबाफारियाव बाहागो लानाय फरायसालिमायि फोरोगिरिफोरखौ थाखिनानै मन्थ्र हाजिरिकाआ बेसेन गोसा बिबुंधि होयो।

मनु भाकरआ निरजनि थाखाय बाथ्रा बुंदों

गोदान दिल्ली, 16 सेप्टेम्बर: भारतनि स्टार जेभलिन खुबैग्रा निरज चप्राया बुसेल्सआव खुंजानाय डायमन्ड लीगनि फाइनालाव नैथि थाखोआव सौहेनो हारदोंमोन। बिथाइ 1सेन्टिमिटार फारागथिनि थाखाय चेम्पियन जानो हायाखैमोन। बेनि उनाव, नीरजआ मोनसे परस्टनि गेजेरजों आखाइयाव फ्रेक्सर जानाय गेलेनायखौ फोरमायदों। बे परस्टआव, नीरजआ फेगो सिजनआव गोखौडे फेनिगोननि रादाय होदों। बे परस्टआव अन्सायगिरिफोरनिफ्राय गोबां फिन्जाथाय फोरमायदों आरो बयबो नीरजखौ थाबैनो



हामनायनि हास्थायदों। दायो बे परस्टआ सुटर मनु भाकरनिफ्रायबो फिन्जाथाय मोनदों, जाय पेरिस अलिम्पिकआव मोननै मेडेल देरहादों। निरजनि टुइटरखौ रिशोयार खालामनानै, बिथाइ गावनि केषनआव निरजखौ बरायदोंमोन आरो दुखु

जाफुंसारनायनि हास्थायदों। गुबै, मनुनि मुड माखासे सम सिगां पेरिस अलिम्पिकआव रुपानि मेडेल आरो टिक्रिय अलिम्पिकनि सनानि मेडेल देरहागिरि निरज चप्राजों सोमोन्दे दडमोन। बबेखानि, बिथानि नख'रनिफ्राय मोनसे नेवसिनय फेदों। मोनसे श्व'नि समाव निरजनि सोमोन्दे सोनायाव मनुआ रागा जेंदोंमोन आरो हाबाफारिखौ नागरदोंमोन। गावनि परस्टआव निरजआ लिरदों, जेरै 2024 मायथाइनि बोथोर जोबहेगोन, आं बोसोरव सुद्रायनाय, हेंथा, सारस्त्रि आरो गोबांजों लोगोसे सोलेंनाय गासैखौबो खोमागासिनो दड। निरजआ अन्सायगिरिफोरनि

थाखाय लिरदों, नोंथांमोननि बयखौबो थुंतुंगा होनायनि थाखाय साबायखर बावनो लुबैदों। नोंथांमोनआ 2024 मायथाइया आंखो सासे साबसिन एथलीट आरो सुबुं बानायदों। 2025 मायथाइयाव लोगो मोनगोन। निरजआ दासिमबो 90 मितारनि जानथायनि मार्क'खौ बारनो हायाखै। बेयो मोनसे थारिखि जागोन, जायखौ बिथाइ 2025 मायथाइयाव मोनफुनो लुबैदों। बुसेल्सआव गेलेनाय जोबथा मेचआव निरजआ 87.86 मितार खुबैनानै नैथि थाखोआव थादों। एखे समावनो, ग्रेनाडनि एन्डरसन पिटर्सआ 87.87 मितार खुबैनानै सैथि जागाव आवग्रिनो हारदोंमोन आरो बिभुंखौ आवग्रिनो हारदों।

भारत आरो बांग्लादेशनि गेजेराव टेस्ट मेचनि थाखाय थियारि

गोदान दिल्ली, 16 सेप्टेम्बर: भारत आरो बांग्लादेशनि गेजेराव टेस्ट सिरिजआ थाबैनो जागायसिगोन। खेबनै टेस्ट मेच सिरिजनि गिबि मेचआ 19 से सेम्बर थामहिनबा बृहस्पतिवारनिफ्रा चेन्नाइआव जागायगोन। बेनि थाखाय मोन्बो हानजाया आथिखालाव चेन्नाइआव दं आरो गावसोरनि थियारिफोराव मुखुबयाव दं। भारतनि हानजाया गोबाव समनि उनाव टेस्ट क्रिकेटनि थाखाय फोथाराव ओंखारगोन आरो बांग्लादेशनि हानजाया बावैसो गावनि न'आव फारियै खेबनै मेचआव पाकिस्तानखौ फेजेनानै बेवहाय फेदों। नाथाय बे समाव भारतारि हानजानि थाखाय जेबो नारसिननाय मैया मानोना बांग्लादेशनि हानजाया माब्लाबाबो भारतजों फेरफाथिनो हायाखै। भारत आरो बांग्लादेशनि गेजेराव दासिम गासै खेब 13 टेस्ट मेचफोर गेलेबाय। बेनि गेजेराव खेब 11 आव भारता गावसोरनि मुं



बानायदों आरो खेबनै मेचफोरा डु'आव जोबदों। डु' जानाय खेबनै टेस्टआ बांग्लादेशआव गेलेनायमोन। भारत आरो बांग्लादेशनि गेजेराव गिबि टेस्ट मेचआ 2000 आव गेलेदोंमोन। गुबै, बेयो बांग्लादेशनि गिबि टेस्ट मेचमोन। थामहिनबा, हानजाया गिबि खेबनि थाखाय टेस्टआव आगान होजेनदोंमोन। बै समनिफ्रायनो बोसोरनैनि उन

उन मोननैबो हानजानि गेजेराव मोनसे टेस्ट सिरिज जागासिनो दं। बे खेबाव बांग्लादेशनि हानजाया गावसोरनि नख'रारि खेबनै टेस्टआव पाकिस्तानखौ फेजेनानै उनाव फेगासिनो दड। बेयो गिबि खेबनि थाखाय जादों, बेनिखायनो हानजानि

(1 बिलाड़िन्फ्राय)

बाहागोयाव दं, थामहिनबा रावखौबो जिरायहोनाय जायाखै। बेनिखायनो भारतनि बयनिखुइ साबसिन हानजाया फोथाराव थानो थियारि जाबाय। बादायलायनाया बुधुमनां टेस्ट चेम्पियनशिपनि सिडाव गेलेनाय जागोन। बेवहाय पइन्ट फारियाव भारतारि हानजाया सिगांनिफ्रायनो सैथि मासियाव दड। अस्ट्रेलियानिफ्राय बांसिन सिगांलानो थाखाय भारताफेगो मेचखौ देरहानांगोन। बेनि अनगायैबो, खेबनै मेच देरहाखानायनि उनाव भारतारि हानजाखौ डब्लि.उ.टि.सि. फाइनेलनि फारसे आरोबाव आगानसे आवगायलानाय नुनो मोनगोन। बबेखानि थानाय माखासे बोसोरफोराव बांग्लादेशनि दिन्थिफुंनाया साबसिन जादों।

(1 बिलाड़िन्फ्राय)

दिने हादतयारिआ श्री श्री विश्वकर्मा पुजा फालिगोन

सिबिथाइ बाडगोन। फारसैथि, हाथायफोराव पुजानि बायदि फिथाइ-सामथायजों लोगोसे मुवा-बेसाद बायनायखौ नुनो मोन्दों। पुजानि थाखाय हाजों मुसुखा दागा आरिमुगिरिफोर सोरजिनय बिश्वकर्मानि मुर्तिखौ पुजा बान्जाय कर्मिदि आरो गुबुन गुबुन उद्यान फसंथानफोरनि अनगायै नख'रनि थाखाय बायना लानाय सुबुंफोरनि होंगो-दोंगोखौ नुनो मोन्नाय जादों। श्री श्री बिश्वकर्मा पुजाखौ लोब्बा लानानै दिनेनिफ्राय फैगो पुजानि साखा-फाराया जागायजेनबाय। गाबोन गुबुन गुबुन पुजानि मन्डबआव नागारा नाम दिन्थियाय, उजापालि दिन्थियाय, नाम किर्तनि अनगायैबो गुबुन गुबुन हारिमुआरि हाबाफारि खुंनो पुजा बान्जाय आफादफोर साखाफार जादों। मख'नो गोनांदि, बिटिआर उदालपुरि जिल्लानि सिडाव थायाव कलाइगावआव बे पुजानि साखा-फाराखौ नुनो मोन्नाय जादों।

धुबुरीयाव सिखावफोरनि हान्जाया माखासे रं लुथिदों

लाख 58 रोजा रं लानानै साबख'नानै लांरा सिखावआ खारखुमालाडे। मख'नो गोनांदि, बेनिफ्राय ओंखारबोनानै बाइकआव रंनि बेगाखौ दोन्नानै पकेटनिफ्राय बाइकनि साबि दिहनुनायावनो सासे सुबुइ नोंथाइ रंआ गोलेबाय होनायाव रं देखंनानै थायावनो बाइकआव थायाव रंनि बेगाखौ लानानै सिखावनि हान्जाया लानानै खारखुमालाडे। दिने साननि 1:30 रिगासोआव बे जाथाया सोमजिदों। धुबुरीनि लक्ष्मीमारि गामिनि इयाकुब आलि मुनि सुबुइ बेबादि जाथायजों मोगा-मोगि जानो गोनां जादों। फारसैथि गासै जाथाया सिसि टिबि कैमेरयाव सेबखं जादों। बे जाथायाव साथाम सिखावफोर थायायनि सन्देह खालामनाय जादों। मख'नो गोनांदि, धुबुरीयाव माखासे सान सिगांबो बेबादि जाथाया सोमजिदोंमोन। गुबुन राइजोननि हान्जासे साबख'नानै लांरा सिखावफोर धुबुरीआव थापेनानै बेबादि सुकुंमेरनिफ्राय रं लुथिदो उतरखार जाथायखौ सोमजिहोगासिनो दड।

बाक्सानि गातिआव बारग'आल्फा ऐक्व'मन्स सालबारि आफाद दाबाय आफादखौ दानाय जायो। मिरु आफादनि मावफुं आफादगिरि लहित देविर, लेइइ आफादगिरि रंमन किंकर गर्वामी आरो राना शर्मा, संखान्थि नेहाथारि अरुन महन्त आरो मावफुं सोद्रोमा गनेश पाठकमोननि नुजाथिफेनायाव खुंनयाव मेलआव रामचरण मेथिखौ आफादगिरि आरो मुनिन दासखौ नेहाथारि महरै लानानै सा 21 सोद्रोमानि बारग'आल्फा ऐक्व'मन्स सालबारि जिल्ला आफादखौ दानाय जायो। मेलआव माखासे गागि बारग'आल्फानि सोद्रोमाफोर बायदि जेना-जेसनि सोमोन्दे बिबुंधि लाथियो।

मुखलं अभिराम बर'जोलुर बादायलायनाया जोबलांबाय

जानानै मोननो हायो। मख'नो गोनांदि, दिनेनि बे जोबथा बादायलायनायनि सैथि बान्था महरै 24 एपिबियन सरायमारि एफसिया गंसे समायना ट्रिफजों लोगोसे नोगोद 50 रोजा रं आरो रानार्स आपनि बान्थाखौ तामुलपुर एफसिया नोगोद 25 रोजा रंजों लोगोसे ट्रिफखौ मोननो हायो। गोबां जोलुर अन्साइगिरिफोरनि मददजों बे जोबथा बादायलायनि मेहेर गोनां हाबाफारियाव खुंफुं आफादनि मासिगिरि एबा 58 नं तामुलपुर बिधान सभा बियाबनि एमएलए जलेन दैमारो, मावफुं आफादगिरि बल'राम बर', बिटिसि आइन आफादनि बुथिगिरि कातिराम बर', 30 नं गेरेस्वर बिटिसि बियाबनि एमसिएलए पबित्र कुमार बर', 26 नं दरडजुलि बियाबनि एमसिएलए बिजित गोरा नार्जारी, तामुलपुर जिल्ला दुलाराइ बरन फरायसा आफादनि आफादगिरि बानेस्वर नार्जारी, कुमारिकाता दखरा एबसुनि आफादगिरि सुक्लेस्वर दैमारोजों लोगोसे गोबां मेलेमजिबि सुबुंफोर बाहागो लायो।

सा-सानजा दावबायफैनाय बनारस नोगोर निगमनि काउनसिलरफोरखौ राज भवनआव बरायदों

मोनाबिलियाव मोनसे मान बाडनाय हाबाफारि खुंनयाव जायो। बे हाबाफारियाव नुजाथिनाय काउनसिलरफोरखौ बरायनानै राइजो बेंगिरि आचार्यजोआ बुडेदि नोंसोर गासैबो मुलुगनि हारिमुआरि राजथावनि काशी, सर्वविद्यानि राजथावनि काशी, गाहाय मन्थ्रनि काशीनिफ्राय फेदों। बिथाइ बुंभावोदि काशी आरो आसामाव गोबां आखुथायफोर आरो रोखोमेसफोर दं। काशीआ बाबा विस्वनाथ, काल भैरव, माता अन्नपूर्णा, आसामआबो शक्तिपीठ बिमा कामाख्या, उमानन्द भैरवनि गोथार हा। आसामआ गेदेमा सुबुं श्रीमन्त शंकरदेबनि हा। बेवहाय बुलुबुधुरनि गुसु दैआ बोहेंयो। आसामआ सा-सानजानि गाहाय मिरु। बे ओन्सोला मिथिगायारि समायनाजों खोबजानाय। काशी बायदि आसामआबो मोनसे 'मिनि इन्डिया'। बिहार, बंगल, उत्तर प्रदेश, कर्नाटक, तामिलनाडु आरो गुबुन गुबुन राइजोननि सुबुंफोरा बेयाव थायो। बिथाइ बुडेदि बायदि रोखोमनि खौसेथिनि जुनिथाथि, जाय जौनि हादतनि जुनिथा, आसामावबो नुनो मोनो। आचार्यआ बुडेदि जौनि गोगाथाव गाहाय मन्थ्र नरेन्द्र मदिआ बुडेदि जुदि नोंथाइ गासै हादतखौ नुबाय आरो सा-सानजानि राइजोफोरखौ नुवाखैब्ला नोंथाइ गासै भारतखौ नुवाखै। आचार्यआ बुडेदि, 'नोंसोर गासैबो काउनसिलरफोरा दिने आसामाव फेबाय आरो बिनि उनाव जुदि नोंथाइ सा-सानजानि गुबुन राइजोफोराव दावबायहेंयो, अब्ला नोंथाइ गोगानाय मोनगोनदि नोंथाइ गासै भारतखौ नुबाय। काउनसिलरफोरखौ थाखिना बिबुंधि होनानै राइजो बेंगिरिया बुडेदि नोंसोर गासैबो गासै काशीखौ थान्थि खालामो। नोंसोर गासैबो काशीनि सिनायथि। नोंनिफ्रायनो काशीया आरो काशीया नोंनिफ्राय। नोंथाइ गंगानि रुगुडव थायो, प्रयागराजआव थां आरो संगम, यमुना आरो सरस्वतीनि मोनसे नुथाय मोनो हायो। दिने नोंसोर गासैबो बुलुबुधुर दैमानि रुगुडव जिरायना दं आरो आं रोखादि नोंथाइ आसामखौ काशीजों फोनांजबनो हागोन। आचार्यआ बुडेदि गाहाय मन्थ्र नरेन्द्र मदिनि दैदानायव भारतआ मुलुग थाखोआव मोनफोरमबो बिथिडव दावगालांसासिनो दं। भारतनि आरिमु आरो हारिमुआबो मुलुगवा रिंखांसिनो दं। बेनिखायनो भारतनि हारिमुनि जांखिखानायाव बेबादि खालामनाया जौनि बिबान। बाहागोआरि जानानै जौनि हादतनि सिनायथिखौ सिगांथि लां।' बे हाबाफारियाव मोनसे गाव गोनां हारिमुआरि हाबाफारि खुंनयाव जायो, जेराव आसामनि आरिमु आरो हारिमुनि मोनसे रुजुजायै नुथायखौ दिन्थिफुंनाय जायो। बे हाबाफारियाव, जायगानि रोजाबगिरिफोरा बिहु मोसनाय, सत्रीया मोसनाय आरो बागुम्बका मोसनाय दिन्थिफुंनानै नायगिरिफोरखौ गोसो बोहोदों।

लामडिंआव पुलिसआ झगसजों लोगोसे सासे फालांगिरिखौ हम्दों

मैया रबिबार्नि हराव लामडिं पुलिसआ झगसनि हेंथायै हाबाफारि लानानै झगसजों लोगोसे सासे फालांगिरिखौ हम्दो हायो। लामडिं-डिफु फोनांजब लामायाव पुलिसआ सिग्रोमनाय हाबाफारि लानानै परितष लामा मुनि सासे लाइमोनखौ हमायजों लोगोसे हमाय होनाय झगस फालांगिरिनिफ्राय गासै 28 ग्राम झगस आरो गंने सिरिन्जखौ लामडिं पुलिसआ हमाय होयो। लामडिं पुलिस थानानि बिबानगिरि सशधर कलिता दैदानाय बे सिग्रोमनाय हाबाफारिखौ लादोंमोन।

मिस ग्लबेल वर्ल्ड 2024 आव अरुनाचलनि हाइनारिआ नैथि रनार आपनि मुकुट देरहादों

अरुनाचल प्रदेशनि दुयिर एटेआ मिस ग्लबेल वर्ल्ड 2024 नि बादायलायनायाव नैथि रनार आप जानानै आरो मिस सुपार मडेलनि बिमुं देरहानो हानानै सुबुंफोरनि गोसो आरो गोर्बोआव जायगा आवग्रिनो हारदों। 14 सेप्टेम्बरआव दुबाइ आव खुंफुंजानाय ग्रेन्ड फिनालेयाव मुलुगनिफ्राय सा 37 बादायारिफोर बाहागो लादों। हिन्जावसाफोरनि सोल्लोथाइनि सायाव मोनसे मख'जाथाव सोंलु सोंनायाव इटेनि



बांसिन नोजोर होदोंदि, मारोरो गोरों-गोरा आइजोफोरा ट्रान्सफर्मसेनेल मन्थ्रि जानो हायो, रंखान्थिनि बिथिआव जौगायो आरो समाजनि मान दान्दाखौ गोदान महर सोलायहोयो। बिथिआ गावनि सायाव फोथायनाय लानानै बुडोदि, 'सोल्लोथाइया हिन्जावसाफोरनो गावनि मोनो गोनो मोन्थाइखौ बिनो, गावनि सिमांखौ आवगायहोयो आरो मोनसे ओरैबायदि मुलुग बानायलानो थाखाय गोर्बोआव होयो।

गाहाम देहानि राहा

फुडव मुग दालि जानाया देहानि थाखाय जोबोद मुलाम्फा गोनां

गावसोरखौ सावलि गोनां लाखिनो थाखाय मानसिफ्रा गुफुर जानाय मुग दालि जायो। बेखौ जाब्ला देहाया निउट्टियेन्टनि आंखालआ आबुं जायो। जुदि नोंथाइ मुग दालिखौ फुडव उदै खालियाव जायोब्ला लिखाइया खमायनायल' नड नाथाय देहाया गोबां बेमारफोरनिफ्राय गोजानाव थागोन। सानफ्रोमबो फुडव खुरैसे जायोब्ला नॉनि देहाया मोजाडै थागोन। दालिफोराव फाइबार, प्रटीन, पटेशियम, आयरन, भिटामिन बी-6 थायो। बेफोर गासैबो निउट्टियेन्टफोरा सावसिन सावलिनि थाखाय गोनांथार। मुग दालिआव थानाय बेफोर निउट्टियेन्टफोरा ब्लाड प्रेसार, खास्थि गैथै बिखानि बिखा आरो मोदोमनि एसे-एनै जानायखौ होबथानायव मदद खालामो। बेफोर जेनाफोराव स्प्राउटेड मुग दालिआ गोहोम गोनां।



खालामो, जाय थाबैनो उखैनायनि जाहोन जाया। बे बाडय केलरि गोनां आदारा थाबैनो लिखायखौ बाडय खालामनो हायो।
2.डाइजेसनआव मुलाम्फा गोनां: संनाय मुगआ फाइबारजों बुंफबनाय, बेनिखाय जुदि नोंथानि आदारा थाबैनो हजम जायाब्ला गेस आरो कनस्टियेसननि अजद थायोब्ला थारैनो जाग्रा आदाराव मोदोमनाय मुग दालिखौ सोफादेरनांगो। बे दालिआ नोंथानि आदाराखौ हजम खालामनायाव हेफाजाव होयो।
3.मेगननि थाखाय मुलाम्फा गोनां: भिटामिन-एजों बुंफबनाय गुफुर मुग दालिआ मेगननि नुथायखौ बांहोयो। गुबैथै, मुग दालिआव जिंक आरो भिटामिन-एनि जाग्रा आदारा थायो, जाय मेगननि थाखाय गोनांथार। जिंकआ

डक्युमेन्ट्री सावथुन 'लेटर्स भियेतनाम' खौ मेक्स एसआइआर इन्टरनेशनल फिल्म फेस्टिभेलनि थाखाय सायख दों



गुवाहाटीनि सावथुन बिथोनगिरि किशर कलितानि लेटेस्ट डक्युमेन्ट्री 'लेटर्स फ्रम भियेतनाम' खौ कस्टारिकायाव मेक्स एसआइआर इन्टरनेशनल फिल्म फेस्टिभेल 2024 नि थाखाय अफिशियेलि सायख 'नाय जादों। लेटर्स फ्रम भियेतनामआ मोनसे केपिभेतिं ट्रेभलग, जाय बे खोला-सान्जा एशिया हादतनि समाइना नुथाय, हारिमु आरो जारिमिनखौ नायबिजिनो। कलितानि दावबायनाया मोनसे स्पिरिचुयेल महरै मटिभेसनेल हमदांधिनायमोन। मोनसे समाइना जायगा फु क्व 'क युनाइटेड सेन्टयव कलितानि दावबायनाया द्विपनि समाइना मिथिंगा आरो थोनानै थानायनि आबहावाखौ दिन्थियो। लेटर्स फ्रम भियेतनामआ सासे सावथुन बिथोनगिरि महराव कलितानि बिफाव लानायनि फोरमान, जेराव बिनि आदब खायाद, गोसो बोनो हाथाव सल' आरो सान्नाय हनायखौ मोन्दाडो। भियेतनामनि हारिमु सौम्यारिड नागनि गेजेरजों रसायनाय सावथुननि देंखो आरो सल 'फोर गोथौ सान्नाय हनायजों लोब्बा गोनां। मेक्स एसआइआर इन्टरनेशनल फिल्म फेस्टिभेल 2024 नि थाखाय डक्युमेन्ट्री सायख 'नाया मोनसे गोहोम गोनां सावथुन बानायग्रा महरै कलितानि फसंथानखौ गोर्बोआव खालामो।

कंगना रनौतआ 600 कौटि रां आरजिनो हानाय सावथुनखौ नेवसिदोंमोन

बिलिउडनि जाफुंसारनाय एबा देरहानायाव मख'जाथाव बिफाव होदों। अरुनाचल प्रदेशनि गुबै थागिबिफोरा बे बाथ्रानि सायाव



जायखौ कंगना रनौतआ नेवसिगारदोंमोन आरो बै सावथुना अनुष्का शर्मानि केरियरनि थाखाय जाफुंसारनाय आरो बक्स अफिसआव हिट सावथुन जादोंमोन। कंगना रनौतआ सिद्धार्थ कन्ननजों लोगोसे सावथुनलायनायाव मिबथि होयोदि, 2016 माइथायाव रिलिज जानाय सावथुन 'सुल्तान' आव बिथिआ लिड फावखुंग्रिनि फावखौ नेवसिदोंमोन। सावथुना बक्स अफिसआव गिदिर हिट जानायनि जाउनावबो कंगनाया बुडोदि, आं एक्सखौ नेवसिगारदों, मानोना बिथिआ गावनि सिगांआव दिन्थिनाय फावफोरखौ मोजां मोनाखैमोन। बे सावथुनलायनायनि गेजेरजों बेखौबो मिबथि होबावोदि, सलमान खानआ आंनो 'बजरंगी भाइजान' आव मोनसे रल अपार

ऐश्वर्या रायआ बेस्ट फावखुंग्रि एवार्ड मोनो हारदों

दुबाइआव एसआइआइएमए 2024 खौ खुंफुंनाय जादों। 'पन्थियन सेलवान: II' आव गावनि मोजां फाव दिन्थिनायनि थाखाय ऐश्वर्या रायआ एसआइआइएमएआव सावसिन फावखुंग्रिनि क्रिटिक्स एवार्डखौ गावनि मुं खालामदों। फावखुंग्रिया मणिगरेलमनि सावथुनाव नन्दिनि गावनि फावजों लाख-लाख सुबुंफोरनि गोसोखौ देरहानो हारदों आरो बेनि थाखायनो बिथाडा बे मानबान्थाखौ मोन्दों। बे इभेन्टआव ऐश्वर्या रायजों लोगोसे बिथानि फिसाजो आराध्या बच्चनखौबो नुनो मोन्दों। एवार्ड मोन्नायनि उनावनो ऐश्वर्या रायआ मोनसे उइनि स्पिचबो होदोंमोन, जाय सशेल मिडियाआव गोर्बोआव भाइरल जागासिनो दड। बिथानि



बे स्पिचआ सुबुंफोरनि गोसोखौ बोदों। सोरांआव फेनाय माखासे नुथायआव आराध्याखौ गावनि बिमानि सावगारि क्लिक खालामनाय नुनो मोन्दों। बिथिआखौ गावनि बिमानि उइनि एबा देरहासार जानो हानाय ममेन्टखौ आरोबाव स्पेशेल बानायनाय नुनो मोन्दों। आराध्याआ, ऐश्वर्यानि एवार्ड मोनायाव जोबोर एक्साइटेड जादोंमोन। बिथिआ बिमानि एवार्ड लानायनिफ्राय स्पिच होनाय ममेन्टसिम फनआव रिक्ड खालामदोंमोन। बेनि अनगायैबो सानैबो बिमा-फिसाखौ फावखुंगुर चियान भिक्रमजोंबो लोगो हमनाय नुनो मोन्दों। ऐश्वर्या आरो भिक्रमखौ पन्थियन सेलवान I आरो II आव जयै नुनो मोन्दोंमोन। आबुधाबिनि यास आइलेन्डआव सोलिबाय थानाय इभेन्टआव बिमा आरो फिसाजोखौ जरा शिमरि आउटफिटआव नुनो मोन्दों। ऐश्वर्याआव ब्लेक आरो गलड गाउन गान्दोंमोन, फारसेथि आराध्याखौ सिल्लार आरो ब्लेक शिमरि आउटफिटआव नुनो मोन्दों।

'संसारनि माया' 'बर' सावथुनखौ बेखेवबाय

'बर' सावथुन नायनो मोजां मोनग्रा सुबुंफोरनि थाखाय मोनसे गोर्बोआव खौरां। ट्रेजिडि, कमेडि, रसान्द आरो एक्सनजों बुंफबनाय 'संसारनि माया' सावथुनखौ बेखेवबाय। थानाय सानखालि बाक्सा जिल्लानि गबर्धना निमुआ गोलैग्रा फोथायाव मोनसे मेहेर गोनां हाबाफारिनि गेजेरजों बेखेवनाय जायो 'संसारनि माया' सावथुनखौ। मख'नो गोनांदि, ब्रेनि कुमार 'बर'नि स्टिरि लिखनाय आरो बिथोन होनायाव 'बर' ब्राडर प्रडाक्सननि बेनाराव दिहनाय जादों 'संसारनि माया' सावथुनखौ। बे सावथुनाव मुंदांखा फावखुंगुर उततम बसुमतारि, माइकेल 'बर',



सावथुन मुलुगनि मुंदांखा फेस्ता फावगिरि फैला जे बरायारिआबो बाहागो लादों। बे सावथुन बेखेवनायाव बाहागो लानानै फैला जे बरायारिआ खौरांगिरिफोरनि सिगाडाव

एना सवाइआ शगुनआव एमि बान्था देरहानानै एशियानि गिबि फावखुंग्रि जानो हारदों

एना सवाइआ शगुनआव लेडि मारिक 'नि फावनि थाखाय सावसिन ड्रामा दिन्थिनो हानाय फावखुंग्रिनि बान्था देरहानानै 2024 एम्पिजनआव जारिमिन सोरजिनो हारदों। बिथानि बे देरहानो हानाया माइल खुन्थिया जानानै फैदों, मानोना बिथिआ एम्पिजनआव मोनसे ड्रामा सिरिजनि थाखाय गाहाइ फावखुंग्रि महरै एशियानि गिबि फावखुंग्रि जानो हारदों। गावा



मोखां जानाय सवाइआ जंखानानै बुडोदि, 'आंनि मुंखौ फोसावनायनि सिगांनो आं गाबगोदोंमोन। बिथिआ

थाखाय एकाडेमिनि फारसे गोजेननाय फोसमायदों। सवाइआ गावनि बिबुंथिखौ आइजोफोरनि थाखाय मोनसे गोहो गोरा खौरांजों लोगोसे फोजोबदों। बेयो बैफोर आइजोफोरनि थाखाय जाय जेबो मिजिथिया आरो बयनिबो थाखाय मोनसे बिदिन्थि जादों। तदानबु अखान आरो तकेहिर हिराजों लोगोसे स्व'आव जापाननि फावगिरिफोरबो गिबि खेब मुं थिसन्दोंमोन।

शिल्लनि चेरि ब्लसम फेस्टिभेलखौ बे बोसोरनि नभेम्बर दानाव खुंगोन

मेघालय राइज्योनि राजथावनि शिल्लआ बे बोसोरनि 15 आरो 16 नभेम्बरआव जानो गोनां मुंदांखा चेरि ब्लसम फेस्टिभेलनि हस्टिनि थाखाय थियारि जागासिनो दड। बे बोसोराव बोसोरसालिया फोर्बोखौ गोसोखांथाव बानायनो



थाखाय सिगांनिफ्रायनो साखा-फार जादों। बे बोसोराव सान्नेनि हाबापरियाव हारिमायारि आरो भारतआरि मोन्नेबो हारिमुखौ दिन्थिनो थाखाय थियारि खालामदों। हारिमायारि आरो जायगानि पप आइकनफोरजों लोगोसे बे फोर्बोआव देंखो,

हारिमु आरो खौसेथिजों लोगोसे बेखौ गोसोखांथाव बानायनो थाखाय थियारि जाबाय। शिल्लनि 'चेरि ब्लसम फेस्टिभेल 2024'आव आमेरिकानि देंखोगिरि सेनेगल आरो देंखोगिरि अलियाउने दामला बदारा

आरो एकन थियाम बायदि हारिमायारि पप आइकनआबो बाहागो लागोन। मुंदांखा देंखोगिरिआ जोबथा खेब बे बोसोरनि जागायनायाव अनन्त आमबानी आरो राधिका मार्चेन्टि जुलि फोर्बोआव रोजावफैदोंमोन। शिल्लनि

शेख हासिनाखौ बिबाननिफ्राय बोख्लायनायाव आमेरिकानि आखाय थानाय बाथ्राया सोराडव फैंदों

ढाका, 16 सेप्टेम्बर : शेख हासिनाखौ बांलादेशनि गाहाइ मन्थि मासिनफ्राय बोख्लायनायनि खैसार सानायनि आन्दोआव आमेरिकानि आखाय दडमोन। बे बाथ्राखौ आमेरिकान सरकारनि मोनसे सेक्रेट लेखा बिलाइनिफ्राय मिबथिनो मोन्दों आरो बे लेखा बिलाइआ राइज्योफोरनि गेजेराव गोसारदों। लेखा बिलाइनि बायदिल्ला शेख हासिनाखौ गाहाइ मन्थि मासिनफ्राय बोख्लायनायनि खैसार सानाया 2019 निफ्रायनो जागायदोंमोन। बिसोरि मोनसे थि खाबुखौ नेनानै थारदोंमोन। बे गासै खैसारखौ सामलायग्रा गागि आमेरिकान बिबानगिरिफोरनि गेजेराव क्रिस मार्फि, सुमना गुहा, डनाल्ड लु, सारा मार्गन आरो फ्रान्सिस्क बेनकस्मेआबो दंफायोमोन। शेख हासिना बिथाडबो गावखौ बिबाननिफ्राय बोख्लायनायनि दायखौ आमेरिकानि सायावनो



जाबसिन्दोंमोन। नाथाय आमेरिकाया बेखौ गोख्रोडै नेवसिगारदों। अदेबानि जेब्ला महम्मद युनुसआ बांलादेशनि खुंथाइखौ सामलायो अब्ला सुबुफोरनि आमेरिकानि सायाव सन्देह' खालामनाया गोथौसिन जायो। मानोना युनुसखौ आमेरिकानि थाखाय जर'खा एबा मोजां सोमोन्दो गोनां होन्ना गनायनाय जायो। दा सान्दे गाजेंनआ मोन्दो हानाय जेंना गोनां

लेखा बिलाइनिफ्राय मिबथिनो मोन्दोंदि, इन्टारनेशनेल रिपब्लिकान इन्सटिटुट (आइआरआइ), नेशनेल एन्डमेन्ट फर डमक्रेसि (एनईडि) आरो इनाइटेड स्टेटस एजेन्सि फर इन्टारनेशनेल डेभेलपमेन्ट बायदि एजेन्सिफोरा बे प्लेनआव दंफायोमोन। बिसोरनि गेजेराव इन्टारनेशनेल रिपब्लिकान इन्सटिटुटआनो

गाहाइमोन, जाय मंगलिया (1996), हाइति (2001) आरो युगान्दा (2021) नि उनाव बावैसो सिगां बांलादेशआव खुंथाइखौ सोलायहोदों। सोरां आव फेनाय लेखा बिलाइनिफ्राय बेखौबो मिबथिनो मोन्दोंदि, भारतनि आखाय होनायखौ काउन्टर खालामनो थाखाय बे खैसार सानाय एबा प्लेनिआ माबायदिथै गोनांथारमोन।

अखाडव 2 दानसिम मोनै अखाफोरनुनो मोनगोन!

गोदान दिल्ली, 16 सेप्टेम्बर : बुहुमनि ग्रहसा अखाफोरआ थाबैनो अरायथा नडै मोनसे गावनि ग्रहसा मोनो थांगासिनो दं, जायखौ मिनिमुन होन्ना बुंनाय जादों। बेयो मोनसे फिसा अखाफोर जागोन जाय 2 दानसिम जोनि बुहुमनि सोरगिदि गिदिखनगोन। बे समाव जो अखाडव मोनानै अखाफोरखौ नुनो मोनगोन। भुमखौरांआव मोनसे आगोमा जाथायनि गेजेरजों मोनसे एस्टेइडआ बुहुमनि बोगथाबमा गोहोनि बेंखनआव फेगोन आरो सोलिफु बोसोरनि 29 सेप्टेम्बरनिफ्राय 25 नभेम्बरसिम बुहुमखौ सोरगिदि गिदिगोन। एस्टेइड 2024 पिटि 5 खौ थानाय 7 आगस्टआव एटिएलएएसखौ बाहायनानै नुनो मोननाय जादोंमोन। एटिएलएएसआ नासानि एस्टेइड नायसंया मोनसे सांग्रथियारि प्रग्राम। आमेरिकान एस्ट्रोनमिकल ससाइटिनि रिसार्च नटसआव सेबखानाय मोनसे



रिपटनि बायदिल्ला, बे एस्टेइडआ 10 मिटर एबा 33 फु टनि सखावजों जोनि बुहुमनिफ्राय फिसासिन। बुहुमनि सोरगिदि गावनि 53 सान गिदिखननाय समाव 2024 पिटि 5 आ मोनसे आबुं कक्ष लामा बानायनो हानाय नडा। उल्थायै

बेयो बुहुमनि बोगथाबमा गोहोनि बोगथाबनायनिफ्राय जानगार जानायनि सिगां बुहुमखौ सोरगिदि गिदिखनगोन। बे जाथायजों बुहुमनि बोगथाबमा गोहोखौ साबसिनै बुजिनो हानायवा बानायनो हानाय नडा। उल्थायै बिगियानगिरिफोरा मदत

मोनगोन। मख'जाथावदि, थानाय 9 सेप्टेम्बरनिफ्रायनो बे एस्टेइडआ बुहुमनि अर्बिटआव गिदिगासिनो दड आरो गासै 77 सान थामहिनबा 25 नभेम्बरसिम बिबिनो गिदिगोन। बुहुमनि बोगथाबमा बेंखननिफ्राय 2024 पिटि 5 एस्टेइडआ 25 नभेम्बरनि उनाव उदां जानानै साननि अर्बिटआव गिदिगांफिनगोन। बेनि अनगायैबो माखासे एस्टेइडफोर बुहुमखौ सोरगिदि गिदिगांबाय। अदेबानि 2024 पिटि 5 आ ओरैबायदि गुबुले जागोनदि, बेखौ उदां मेगन एबा दुर्बिनजोंबो नुनो मोननाय नडा। बेखौ 22 मेगनेटिउटनि एटभान्स अन्जाभैट्रिजोंल' नुनो मोनगोन।

डनाल्ड ट्राम्पखौ फिन खेबसे गुलि गावनो नाजानाय जाथाइ सोमजिदों

वाशिंग्टन, 16 सेप्टेम्बर: माखासे सानफोरनि उनाव आमेरिकायाव हादतगिरि मासिन थाखाय भट सोसिगोन बेनि गेजेरजों आथिखालाव आगुनि हादतगिरि आरो रिपब्लिकन पार्टिनि हादतगिरिनि बिजाथि डनाल्ड ट्राम्पनि खाथियाव आरो खेबसेबाव गुलि गावयो। आमेरिकानि संगालि सिबिथाया बुडोदि, आथिखालाव बे जाथायखौ नाइबिजिरासिनो दड। सुलुनि बायदिल्ला, डनाल्ड ट्राम्पआ बे सपतानि जोबनायाव वेस्ट कस्ट दावबायनायनिफ्राय फल रिडा फेफिनदोंमोन। बेयावनो बे जाथाय जायो। डनाल्ड ट्राम्पनि फोसावदि खालामग्रा टिम आरो संगालि सिबिथाया। बे खौरंखौ होयोदि, आगुनि हादतगिरिआ आबुडै रैखाथियाव दड। बे जाथायाव रावबो जोखोम जानायनि खौरं होनाय जायाखै।



एफबिआइआबो खौरं होदोंदि, ट्राम्पनि सायाव बिनि फ्लरिडा गल्फ क्लबाव बिखौ बुथारनो नाजादोंमोन। सुलुडाव फोरमायनाय बायदिल्ला, डनाल्ड ट्राम्पआ जेब्लाबो फुनि सानखौ गल्फ गेलेनानै हगारहरो आरो सानजौफुनि जाग्रा आदारखौ ट्राम्पआ इन्टरनेशनेल गल्फ क्लब वेस्ट पामनि बिचयाव जायो। आथिखालाव बे गुलिफोरखौ ट्राम्पनि वेस्ट पाम बिच गल्फ कर्सनि खाथियाव सालायदोंमोन ना

फोथाराव सालायदोंमोन बेखौ बिबानगिरिफोपा मिबथिनो नाजागासिनो दड। ट्राम्पनि खाथियाव गागलोबनायखौ लानानै डेमक्रेट पार्टिनि बिजाथि कमला हेरिसनि फिननायाबो सोराडव फैंदों। कमलाआ बुदों फ्लरिडाआव आगुनि हादतगिरिखौ बिनि सम्पतीनि खाथियाव गुलि गावनायनि खौरं मोन्दों आरो बिथानि रैखाथियै मोननायाव बिथाड गोजोननाय फोरमायदों। आमेरिकायाव हिंसासि थाखाय जेबो जायागा गैया।

30 जौखोन्दोसिम बाम्पार डिस्काउन्टआ गारिफोर आरो इलेक्ट्रनिक प्रडाक्टनि फान्नायखौ बांहोदों

गोदान दिल्ली, 16 सेप्टेम्बर: थानाय माखासे दानफोराव गारिफोर आरो कन्जुमार इलेक्ट्रनिक प्रडाक्टसनि दाबि दैखानायवाव दावख्लायनायनि उनाव फोरबो बोथोरव मोननाय बाम्पार डिस्काउन्टनि जाहोनाव आरोबाव बेखौ फान्नायाव बांनयाखौ नुनो मोनफिगासिनो दड। माखासे मिडिया रिपटफोरगव फोरमायनाय बायदिल्ला, गणेश चतुर्थी आरो अणमनि जाहोनाव अटमबाइल आरो इलेक्ट्रनिकस दाबि दैखानायवाव बांनयाखौ नुनो मोनगासिनो दड। रिपटयाव फोरमायनाय बायदिल्ला, अणम, नवरान्नि, दुर्गा फुजा आरो दिपावली बायदि फोरबोफोरखौ नोजोर होनानै इलेक्ट्रनिकस, अटमबाइल आरो स्मार्टफन



कम्पनीफोरा 30 जौ खोन्दोसिमनि बाहायगिरिफोरनो अफार होगासिनो दड। खौरं बायदिल्ला, अणमनि सिगां केरेलायाव मारुटि सुजुकीनि बुकिंआव 10 जौखोन्दो बांदों

आरो गणेश चतुर्थीनि सिगां सानाव महाराष्ट्र आरो कर्नाटकयावबो बे थासारिया सोलिदों। अणमनि समाव साखा-फारा गारिफोरखौ फान्नायाव 15 निफ्राय 16 जौखोन्दो बांनयाखौ नुनो

मोन्दों। रिपटयाव फोरमायनाय बायदिल्ला फोर्बो सिजनाव गारिफोरखौ फान्नाया सोलिफु रंखाथि बोसोरनि सिगां 5 दाननि एभारेस्ट 3,30,000 इजिनटसनिफ्राय 15 जौखोन्दो सिम बांहो होनां हागो।

बेराफारसैथि, कन्जुमार इलेक्ट्रनिकसनि फान्नायाव थानाय बोसोरनि रुजुनायाव 7 निफ्राय 8 जौखोन्दोसिमनि बांनयाखौ नुनो मोनो हागो। फ्रस्ट-प्री रैफ्रिजरेट्रनि फान्नाया अणमव 15 जौखोन्दो बांदों। फारसैथि मोनसे डर थानाय रैफ्रिजरेट्रखौ फान्नायाव 6 निफ्राय 7 जौखोन्दो दावख्लायनाय फैंदों। फुल अटमेटिक वाशिंग मेशिन फान्नायाव 12-13 जौखोन्दो बांदों। बेरा फारसे, सेमि-अटमेटिक वाशिं फान्नाया 4 निफ्राय 5 जौखोन्दोसिम बांदों।

राइज्योयारि गारि निगमनि बासफोरनि इभिखौ सोलायसिगोन

गोदान दिल्ली, 16 सेप्टेम्बर : बांबोगासिनो थानाय गेब्रेनायनि जेंनाजों भुगिनानाय हादतआव हान्था-मेला निगमफोरनि बासफोरनि गोजाम जालानायाबो गिदिर जेंना जानानै दड। राइज्योआरि हान्था मेलानि बिजोंफोरनि आंखालजों भुगिनानाय गासैबो राइज्योफोरनि थासारिखौ नोजोर होनानै मिरुनि लामा हान्था-मेला आरो राजा-लामा मावख'आ निगमफोरनि जाय बासफोरा दासिमबो सोलिनाय मान दान्दाफोरनि बेंखनआव गनाय जायो, बेफोराव इभि किट लागायनायनि अफान होजाव हान्थायो। बेनि थाखाय गारि



बानायग्रा कम्पनीफोरजों टेक्नीकआव खामानि मावनो थाखाय बुंनाय जादों। लाश्रियै बांबोबाय थानाय आबहावा गेब्रेनायनि जेंनाजों मागा-मोगि खालामनो थाखाय माहारियारि राजथावनि

ओन्सोल (एनसिआर) आव बिजिरसालिनि बिथोनखौ फालिनानै 10 बोसोर गोजाम डिजेल आरो 15 बोसोर गोजाम पेट्रल गारिफोरनि सालायनायखौ होबथादों। नाथाय गुबुन राइज्योफोरव

बिबि खालामनाय जायाखै। माखासे राइज्योफोराव गुबुन-गुबुन समनि थाखाय गारिफोरनि सायाव होबथायनायबो जाबसिन्दों, नाथाय नेम-खान्थिखौ गोहोम गोनाडे सोलिहोयाखै।

नाइजेरियानि जाम्पारा राइज्योआव नाव बेल्थायनानै सा 41 जिउ गोमादों



आबुजा, 16 सेप्टेम्बर : नाइजेरियानि सा-सोनाव राइज्यो जाम्पारायाव शनिबारखालि गंसे नाव बेल्थायनानै सा 41 सुबुफोरनि जिउ गोमायो। बिसोरनि अनगायै गुबुन सा 12 खौ रेस्क्यु मावफारियाफोरा रैखा खालामनो हायो। नाइजेरियानि जुथाइ थान्दै जथुमायाव गुम्मि-बुक्कुयुम बिबाबनि थान्दै माहारियारि एमएलए सुलेमान गुम्मिया फोरमायदोंदि, रबिबारखालि जाब्रबथाइ जानाय नावआव सा 50 नि बांसिन दावबायारिफोर आरो सालायग्रा हाज्जानि


सोद्रोमाफोर दंमोन। नावआ जाम्पारनि गुम्मि लकेल सरकार ओन्सोलनि गुम्मि गामिनि खाथिनि दैमायाव बेल्थायदों। जाब्रबथाइजों भुगिनानायफोरा बांसिनानो आबादारिफोरमोन आरो बिसोरि सानफ्रोमबो नावजोंनो खाथि-खालानि ओन्सोलाव थानाय गावसोरनि आबादथिलियाव आबाद मावहैनो थानाय-फैलाय खालामोमोन। खौरनि बायदिल्ला, सा 12 सुबुफोरखौ रैखाथियै बोखानो हादों। नावआव गाखोनाय बांसिनानो आइजो आरो गथ'फोरमोन। थैनायफोरनि गेजेरावबो आइजो आरो गथ'फोरनो बांसिन। नाइजेरियानि हादतगिरि बला तिनबुआ बुंदोंदि, जाम्पारा राइज्योआव आबादारिफोरा गावसोरनि आबादथिलिसिम थानो थानाय समावनो नावजों दैमा बारनाय समाव जाब्रबथायाव गोरलैयो। हादतगिरिया भुगिनानाय सुबुफोरनो मदत होनो थाखाय खोथा होयो आरो इमाजेंन्सि एजेन्सिफोरनो जाब्रबथाइखौ नायबिजिरनो बिथोन होयो। पुसिलनि मिबथिहोनाय बायदिल्ला, बे जाब्रबथायाव सा 40 सुबुफोरखौ नागिरना मोननाय जायाखै।

आरो गणेश चतुर्थीनि सिगां सानाव महाराष्ट्र आरो कर्नाटकयावबो बे थासारिया सोलिदों। अणमनि समाव साखा-फारा गारिफोरखौ फान्नायाव 15 निफ्राय 16 जौखोन्दो बांनयाखौ नुनो

मोन्दों। रिपटयाव फोरमायनाय बायदिल्ला फोर्बो सिजनाव गारिफोरखौ फान्नाया सोलिफु रंखाथि बोसोरनि सिगां 5 दाननि एभारेस्ट 3,30,000 इजिनटसनिफ्राय 15 जौखोन्दो सिम बांहो होनां हागो।

अरुणाचल प्रदेशआ नर्थ ईस्ट फुटबल लीग 2024 खुंनो थाखाय थियारि जादों

इटानगर: अरुणाचल प्रदेशआ इटानगरव 'नर्थ ईस्ट फुटबल लीग 2024' खुंनो थाखाय थियारि जाबय। बादायलायनाया जानुवारि 2025 मायथाइयाव जागायजेनगोन। अरुणाचल प्रदेशनि गिबि मन्थि पेमा खान्दुआ लीगखौ खुंनो थाखाय गोसो गुदुं जानायखौ फोरमायदों। गावनि एक्स हेन्डलाव गिबि मन्थि पेमा खान्दुआ बुंदोंदि, अरुणाचल प्रदेशआ जानुवारि 2025 मायथाइयाव जागायनो गोनां 'नर्थ ईस्ट फुटबल लीग 2024' खौ खुंनो मोननानै गोगानाय मोनदों। अरुणाचल प्रदेश फुटबल एससिएशननि आफादगिरि आरो गिबि मन्थि खान्दुआ बुंदोंदि, बे प्लेटफर्मआ जोनि गेलेगिरिफोरखौ गोदान जौथायसिम सौहैनो खाबु होगोन। जोनि राइज्योआ मुलुग-थाखोनि गेलेमु बिथायारि सानजथाइजों आबुडैसुजुजानाय आरो बे लीगनि जाफुंसार मावफुंनयाखौ हेफाजाव होनो थाखाय थियारि



जाबाय बिथाड बे खाबुनि थाखाय अल इन्डिया फुटबल फेडरेशनखौ गोसो गोर्वीनिफ्राय साबायखर बावदों। बेजों लोगोसे ओनसोलनि हानजाफोर आरो जोलुयनि फारसे गोसो गुदुं सुबुफोरखौ बरायनो थाखाय थियारिखौ फोरमायदों।

आरो गणेश चतुर्थीनि सिगां सानाव महाराष्ट्र आरो कर्नाटकयावबो बे थासारिया सोलिदों। अणमनि समाव साखा-फारा गारिफोरखौ फान्नायाव 15 निफ्राय 16 जौखोन्दो बांनयाखौ नुनो

मोन्दों। रिपटयाव फोरमायनाय बायदिल्ला फोर्बो सिजनाव गारिफोरखौ फान्नाया सोलिफु रंखाथि बोसोरनि सिगां 5 दाननि एभारेस्ट 3,30,000 इजिनटसनिफ्राय 15 जौखोन्दो सिम बांहो होनां हागो।

रिलाइन्सनि रिटल कम्पनी रिलाइन्स रिटलनि खामायनाया बांसिदों

गोदान दिल्ली, 16 सेप्टेम्बर: हादतनि बयनिखुइ देरसिन कम्पनी रिलाइन्सनि रिटल कम्पनी रिलाइन्स रिटलनि कामानआ इशा आम्बानीनि आखाइयाव दड। इशा आम्बानीनि आखाइयाव फैनानयनि उनिफ्राय बेनि खामायनाया गोखैयै बांगासिनो दड। रिलाइन्स रिटलनि खामानि दामानियाव साबसांगासिनो दड। इशा आम्बानीआ रिलाइन्स रिटलनि बिजबेसखौ बांहोनो आरो खामायनायखौ बांहोनो थाखाय गोदान थांखि लादों। रिलायन्स रिटला माजिनाव साबसांहोनो थाखाय गावनि किराना स्ट्याव नन फुट आरो जेनेरेल मुवा बेसादफोरनि थाखाय फालांगि बिथिडव गासै 50 जौखोन्दो बांहोदों। कम्पनीआ गावसोरनि इ कमासं प्लेटफर्म जियमार्टनि गेजेरजों लकेल सेल्सखौ बांहोनायनि सायाव नोजोरखौ बांहोगासिनो दड। जिय मार्टजों लोगोसे गावसोरनि स्मार्ट आरो स्मार्ट मार्केट स्ट्याखौ कानेक्ट खालामगासिनो दड। जाहाथे सुबुफोरनाय मोनफ्रोम रेन्जनि आलादा-आलादा अफान थायो। रिलायन्स रिटेलार



जगायन होगासिनो दड। हादतनि बयनिखुइ देरसिन खुसा कम्पनी रिलायन्स रिटला माजिनाव साबसांहोनो थाखाय गावनि किराना

रिलायन्स रिटला माजिनाव साबसांहोनो थाखाय गावनि किराना

रिलायन्स रिटला माजिनाव साबसांहोनो थाखाय गावनि किराना

गुवाहाटीयाव 2023 माइथायनि गुबुन गुबुन गेलेमुयाव जाफुंसारनायफोरनो अइल-एएसजेए गेलेमु बान्था गथायदों

गुवाहाटी, 16 सेप्टेम्बर: आसाम स्पर्ट्स जर्नालिस्ट एस 'सिएशनआ गुवाहाटि नोगोरमायाव खुंजानाय मोनसे समायना दिन्थिफुं'नाय हाबाफारियाव बोसोर 2023 नि गुबुन गुबुन जाफुंसारगिरिफोरनो अआइएल-एएसजेए गेलेमु बान्था 2023 जों मान बावदों। 2023 मायथाइयाव सैयद मुस्ताक आलि टूफी टी-20 टुर्नामेन्ट आब साबसिन दिन्थिफुं'नायनि थाखाय लाभलिना बरगहाइ (बक्सिंग-बोसोरनि साबसिन गेलेगिरि), बार्निल स्काई चाम्माइ (बेडमिन्टन) आरो बेदाबत भारली (वेटलिफिंटिंग-सानैबो बोसोरनि साबसिन जुनियर गेलेगिरि) आरो आसाम सिनियर क्रिकेट टिम (बोसोरनि साबसिन टीम) नो बान्था होनाय जादों। गेलेमु आरो गेलेमु रादाब बुधुमनायनि थाखाय बिथानि बावसोमनाय सिबिथाइनि थाखाय पबित्र गगौंनो लाइफटाइम एचिभमेन्ट बान्थाखौ होनाय जादों। बेनि अनगायबो, उमा चेत्री (क्रिकेट), अपुर्णा नार्जरी (फुटबल) आरो मेहदी हासन



(एथलेटिक्स) नो जर 'खा मोनफुं'नाय बान्था होनाय जादों। दाबा गेलेगिरि मयंक चक्रवर्ती आरो टेबल टेनिस दिभिजा पालखौ मिर्जिगोनां गेलेगिरिफोरनि बान्था होनाय जादों। बे हाबाफारियाव गाहाय आलासि महे बाहागो लायो आसामनि पि.एच.इ.डि आरो दावबायारि बिफाननि मन्थि जयन्त मल्ल बरुवा, जाय आसाम एथलेटिक्स एस 'सिएशननि आफ।दगिरिबो। बिथाइ लाभलिना नो बोसोरनि साबसिन

गेलेगिरि बान्थाबो गथायदों। गावनि बिबुंथियाव मन्थिआ गेलेगिरिफोरनि इयुनखो महर होनायव गेलेमु खौरांगिरिफोरनि बिफानि सायाव नोजोर होदों। बरुवाआ रोंग'थि गोनां गेलेमु खौरांगिरि आरो गेलेमु खुंगिरि प्रेमाधर सर्मानो एसजेएफआइ मेडेलबो गथायदों। हाबाफारि जागायनायनि सिगां भारतनि बारग' गेजेर हायुंआरि जोलुर गेलेगिरि ताशेन बराखौ मान बाउनाय जादों जाय सनिबाराव

रुंसारि जावाय। बारग' गेजेर हायुंआरि टेबल टेनिस गेलेगिरि आरो अआइएलनि सासे गोजो मावख'गिरि अरुणज्योति बरुआ, कमनवेल्थ गेम्सनि सनानि मेडेल देरहागिरि लन बाउल गेलेगिरि नयनमनी सइकिया, भारतनि भलिबल हानजानि बारग' केप्टेन अभिजित भट्टाचार्य, बारग' गेजेर हायुंआरि सानसिग्रा मिथु बरुवाजों लोगोसे गुबुन सुबुंफोरा नुजाथिदोंमोन आरो बिथामोनहा बान्थाबो होदों।

निरज चप्रानि थाखाय एन्डारसन पिटार्सआ गोब्राब चैलेन्जार जानाबै दइ



गोदान दिल्ली, 16 सेप्टेम्बर: भारतनि गेलेगिरि निरज चप्रया डायमन्ड लीग टुर्नामेन्टआव जेभलिन खुबैनाय बादायलायनायनि फाइनालाव नैथि थाखोआव थानो हादों। बिथाइ पेरिस अलिम्पिक बायदिनो नैथि जायगाजों गोजोननो गोनां जादों। बिथाइ 1 सेन्टिमिटर फारागथिनि थाखाय बिमुं देरहानो हायाखै। बै समाव ग्रेनाडानि एन्डारसन पिटार्सआ निरज चप्रानिफाय सिगांसिनयाव थानो हादों। जाय गिबि नाजानायाव गावनि बयनिखुइ साबसिन खुबैदों। पिटार्सआ ग्रेनाडानि सासे जेभलिन

खुबैगा। बिथाइ सोलिफु बोसोरनि पेरिस अलिम्पिक 2024 नि फाइनालाव थामथि जायगा आवगिदोंमोन आरो ब्रन्जनि मेडेल देरहादों। पिटार्सआ डा गोबां खेब कैरिफटा गेम्सनि चेम्पियनबो जाखांबाय। 2016 आव बिथाइ पलेन्डनि बाइडग रूजआव 2016 मायथाइनि आइ.ए.ए.एफ. बुहुमनां 20 बोसोर सिनि चेम्पियनशिपआव ब्रन्जनि मेडेल देरहादों। पिटार्सआ गिबि खेबनि थाखाय डायमन्ड लीगनि बिमुं देरहादों। बिथानि देरहाखानायनि उनाव बिथानो 30,000 आमेरिकान डलारनि नोगोद बान्था होनाय जादों। एन्डारसन पिटार्सआ डायमन्ड लीग फाइनालाव गिबि नाजानायाव 87.87 मिटर खुबैदों। बेनि उनाव नैथि आरो थामथियाव 86.96, 85.40 आरो ब्रैथियाव 85.85 मिटर जानथाय खुबैदों। निरजनि थामथि खुबैनाया बयनिखुइ साबसिनमोन, जाय 87.86 मिटर खुबैदों। बिथाइ पिटार्सखौ 1 सेन्टिमिटरल' उनाव दोनदोंमोन। जार्माननि वेबर जुलियानआ थामथि जायगायाव दडमोन। 3 आगस्त, 2022आव एन्डारसन पिटार्सआ मोनसे पार्टीनि नावआव गाखोदोंमोन। जेराव नावनि साबा मावथि सोद्रोमाफोरा बिसोरखौ बुंदोंमोन। बेनि उनाव, पिटार्सआ जोखोम जायो। दुखु मोननायनि जाहोनाव, बिथाइ क्वालीफिकेसन राउन्डआव 78.49 मिटर खुबैनाय बुहुमनां एथलेटिक्स चेम्पियनशिप 2023 नि जोबथा खोन्दीआव सौहोनो हायाखेमोन।



राज भवन, आसाम

मान गोबां गाहाइ मन्थि

मुखि नरेन्द्र मदि बिथानि

74थि जोनोम सान फालिनाय

हाबाफारियाव

आसामनि मान गोनां राइज्यो बेंगिरि

मुखि लक्ष्मन प्रसाद आचार्य बिथाइ

गाहायाव होनाय बिथांखिफोरखौ बेखेवगोन

- राइज्यो बेंगिरि आसामनि प्रतिभा प्रत्साहन यजना
- राइज्यो बेंगिरि आसामनि बिश्वकर्मा सम्मान
- राइज्यो बेंगिरि आसामनि एवार्ड फर एक्सिलेन्स
- राइज्यो बेंगिरि आसामनि भाषा पत्साहन यजना
- राइज्यो बेंगिरि आसामनि भरिस्ता शिक्षक सम्मान



फोरमाइथाय आरो सुबुं फोनांजाव बिथोनगिरि मावख', आसामजों फोसावजानाय

जोंजों फोनांजाव खालाम

@diprassam

dipr.assam.gov.in

आसाम बार्ता साब्सक्राइब खालामनो थाखाय

'Assam' लिखनानै 7636834943 आव हवात्स एप खालाम



स्वच्छ भारत

एक कदम स्वच्छता की ओर

SWACHHATA HI SEVA 2024

17th September - 2nd October 2024

Swabhav Swachhata, Sanskaar Swachhata



आसाम सरकार

फै, जों

साखोन-सिखोन आरो सोमखोर

आसामनि

थाखाय खौसे जानि



डॉ हिमन्त बिश्व शर्मा

गिबि मन्थि, आसाम



साखोन-सिखोननि थाखाय मुलुगनि देरसिन सुबुं जांखिथायाव जगदान जानो बे किउ आर कडखौ स्केन खालाम एबा www.swachhatahiseva.gov.in नायदो

किउ आर कड स्केन खालाम

मेपआव हाबाफारिखौ सिनायथि

जगदान खालाम





शुद्धि दिवस 2 टो डरुबिबि

अर्गेनिक नडे

अर्गेनिक

'स्वच्छता हि सेवा' खौ सुबुं जांखिथायसिम सोलायनो फै

'स्वच्छतायानो सिबिथाय'नि मोनथाम गाहाइ थांखि

- 1 **साखोन-सिखोननि बाहागोगिरि**
राइजो-राजाफोरनि बाहागो लानाय, सांग्राथियारि आरो हेफाजाव होनाय फै, जों साखोन-सिखोन हाबाफारियाव नांथाबनि, सांग्रांथि सोजिहोनि आरो बयखौबो स्वच्छ भारतनि सेम्पियन जानो थुलुंगा होनायनि समाय खिरा होनि
- 2 **आबुं साखोन-सिखोन आरो साखोन-सिखोननि थांखिनि हान्जा**
मोनफोमबो खोलोबाव आबुं साखोन-सिखोन गावनि ननिफाय राइजोआरि जायगासिम साखोन-सिखोननि थांखिजो फै, जों मैला गोनां जायगाफोरखौ (सिटिइउ) सिनायथिनि आरो बे जायगाफोरखौ मोनफा-मोनपा समायना जायगासिम सोलायनि आरो इयुनावबो साखोन-सिखोनै लाखिलांनो समायखिरा लानि
- 3 **साफाइ मित्र सुरक्षा बादा**
होबथाया दोहा आन्जाव आरो समाजारि रैखाथि दाफुंनाय
 - साफाइ मावफारियानि रैखाथि कार्डखौ रोखा खालामगोन दि, बिसोरो रोखायै गावआरि नख'रआरि खिखरसालि आरो हर घर जलनि सिडाव दै जगायनाय आरो गुबुन अन्साइयारि बिथांखिनि खाबु मोनगोन
 - साफाइ मावफारियाफोरखौ बिसोरनि ब्लकनि खाथिनि बादासिम बरायनय जागोन

खौसेथिजोंसो जों गंसे साखोन-सिखोन आरो सोमखोर आसाम मोन्नो हागोन

स्वच्छ भारत अभियान-गामि, सुबुं देहा आरोंदायारि बिफान, आसामजों राइजो-राजाफोरनि थाखाय फोसाव जानाय